

醫  
國  
學

一  
卷  
上



lib. - 1

2

#1336609111  
V.3



編註醫學入門

卷上

經穴起止

奇經八脉

奇經主病

臟腑總論

臟腑條分

觀形察色

聽聲審音

問症



Table with 4 columns and 4 rows of faint Chinese text.

第一	第二	第三	第四
第一	第二	第三	第四
第一	第二	第三	第四
第一	第二	第三	第四

2



編註醫學入門內集卷之一

經穴起止

經，徑也。徑，直者。為經。經之支派，旁出者，為絡。絡，界為十二。實出二脉，醫而不知經絡，猶人夜行無燭，業者不可不熟也。

手太陰肺十一穴中府雲門天府訣俠白尺澤孔最存列

缺經渠太淵少商如韭葉

手太陰肺經左右二十穴，每旦寅時從中府

起循臂下行，至少商穴止。中府在乳上三肋間，去雲門下二寸，陷中，針入二分，不宜灸。主喉痺、胸滿、塞痛、面腫、嘔

吐、欬、唾、濁、涕、有背痛、腹脹、食飲不下。雲門，巨骨下氣戶傍二寸，陷中，禁針灸。五壯，主嘔逆、上氣、胸脇微背痛，不能

舉臂。餘同上。天府，腋下三寸，動脉，舉手以鼻取之，針入三分，禁灸。主泣出、目弦、癆氣喘逆、不食、瘡疾、卒中惡邪、飛

尸。餘同中府。俠白，天府下去肘五寸，動脉，灸五壯，主欬逆、乾嘔、煩滿、心痛。尺澤，肘橫紋中，不筋外，針入三分，不



宜灸主喉痺舌乾脇痛腹脹喘氣嘔泄不正顛病身痛四肢暴腫手臂肘痛○孔最側腕上七寸針入三分灸五壯主熱病汗不出肘臂厥痛不及頭○列缺側腕上一寸半鹽指相又盡處針入三分灸五壯主一切風痊偏頭疼口喎瘰癧驚癇肘臂痛項強喉痺咳嗽半身不遂又主一切癰疾身熱背寒汗出肢腫小便使熱痛少氣不足以息凡實則肩背汗出四肢暴腫虛則有寒慄氣不足以息四肢厥○經渠寸口下近關上脉中針入三分禁灸○大淵手掌後橫紋尖陷中針入二分灸三壯主目生白翳赤筋咽乾嘔噦咳喘唾血肺脹煩不得卧內廉缺盆引痛胸痺氣逆心痛○魚際手大指二節後內側散脉中針入二分禁灸主頭痛目眩失音不言熱病鼓頰霍亂嘔血吐血腹痛不食欬引尻痛○少商手大指端內側去爪甲角如韭葉針入一分禁灸主痄瘡喉鳴嘔吐喘欬善噦手不仁耳前痛心上下滿汗出而寒

手陽明穴起商陽二間三間合谷藏陽谿偏歷溫流長下



燕上廉手三里曲池肘第五里近臂臑肩髃巨骨當天鼎

扶突禾筵接鼻傍五分號迎香

手陽明大腸經二十穴左右四十穴

交與商陽循肘上行至鼻傍迎香穴止○商陽鹽指內側

去八甲角如韭葉針入一分禁灸主胸滿支腫熱汗不出

耳鳴耳聾喘咳痰瘧口乾頤腫齒痛惡寒有背引欬益痛

如目青盲可灸三壯左取右右取左如食頃立已○二間

鹽指內側本節前陷中針入三分灸三壯主喉痺頸腫肩

背痛指寒鼻熱衄血多驚口爛目盲傷寒熱○三間鹽指

內側本節後陷中針入三分灸三壯主喉痺齒痛臂肘胸

滿唇焦口乾目痛鼻熱衄血吐舌疾頸重身熱氣喘腸

鳴洞泄寒瘧○合谷大指鹽指岐骨陷中針入二分灸三

壯主頭痛面腫目痛爛弦努肉生翳扳睛到睫一切目疾

鼻衄鼻淵耳鳴口瘡重舌舌裂舌強下牙齒痛發唇吻不

收口瘰癧瘰癧寒熱瘧疾四肢痠痺小兒驚風卒死婦人通

經下胎惟妊孕忌之○陽谿手腕上側兩筋陷中針入三

分灸三壯主頭痛目痛目翳耳痛耳鳴咽痛齒痛舌出頸



疾掌熱肘臂不舉在言喜笑見鬼胃滿煩悶心痛寒熱瘧  
疾瘡疥。偏歷腕後三寸針入三分灸三壯主寒熱瘧風  
汗不出目視眊眊顛疾多言耳鳴口喎齒痛喉痺啞乾鼻  
熱衄血。溫流腕後五寸針入三分灸三壯主頭痛面腫  
口喎喉痺陽鳴腰痛噦逆肩不得舉傷寒身熱顛在見鬼  
。下廉曲池前五寸兌肉分外斜針入二分灸三壯主顛  
風肘臂痛溺赤腸鳴氣走注痛。上廉曲池前四寸針灸  
主治同。下廉。三里曲池前三寸兌肉端針入五分灸三  
壯主手臂肘臂不伸齒痛頰頰腫瘰癧。曲池肘外輔骨  
肘兩骨中紋頭盡處以手拱臂取之針入五分灸三壯主  
頭痛喉痺肘臂疼痛不舉半身不遂筋緩難以伸屈腰痛  
肩痛皮燥癰疹及癰癰瘰癧疾寒熱作渴胃滿傷寒餘熱不  
淨。肘節肘大骨外廉近大筋陷中針入二分灸三壯主  
肘節風痺痛臂攣急。五里肘上三寸向裏大筋中央禁  
針灸。十壯主風勢驚恐吐血肘臂痛臂臂四股不能動搖  
寒熱瘧瘧咳嗽目視眊眊瘡瘡心下脹痛上氣。臂臑肘  
上七寸臑肉端平手取之針入五分灸三壯主寒熱頸項  
拘急瘰癧肩臂痛不得舉。肩髃肩端兩骨陷中舉臂取

腸

旁

項



之針以六分灸七壯風盛灸二十七壯為率過多恐致臂細  
主偏風不遂手臂攣急臂細無力筋骨酸疼肩中熱頭不  
可顧心切風熱癰疹○巨骨有端上行兩骨陷中針入一  
寸半灸三壯主臂中瘀血有臂背膊疼痛○天鼎側頸直  
缺盆扶突後一寸針入四分灸三壯主暴瘖氣哽咽喉痺  
脾喘息不食○扶突曲頰下一寸仰而取之針入四分灸  
三壯主舌本出欬逆上氣喘急喉中如水鷄鳴○禾筵直  
鼻孔下俠水溝旁五分針入一分禁灸主鼻塞口辟鼻多  
涕涕不止翕翕有瘡口禁不開○迎香禾筵上一寸鼻  
旁陷中針入二分禁灸主眼目赤腫鼻塞不聞香臭

四十五穴足陽明頭維下關頰車停承泣四白巨竅經地  
倉太迎對人迎水突氣舍連缺盆氣戶庫房屋翳屯膺窓  
乳中延乳根不容承滿梁門起關門太乙滑肉門天樞升  
陵太乙存水道歸來氣衝次髀關伏兔走陰市梁丘犢鼻



足三里上巨虛連條口位下巨虛跳上豐隆解谿衝陽陷

谷中內庭厲兌經穴終足陽明胃經左右九十六穴辰時自

迎循胃腹下至足指厲兌穴正圖穴起自頭維行氣實

自承泣始也○頭維額角髮際本神傍一寸半針入五分

禁灸○下關耳前動脈下廉含口有空張口則開針入三分

分灸三壯主耳痛鳴聾有膿口咽下牙齒痛齒齲痛○頰

車耳下八分曲頰端陷中開口有空針入三分灸三壯主

口辟痛不可以嚥失音牙疼頰腫頰強惡風寒承泣目

下七分上直瞳子禁用針灸○四白目下一寸針入三分

禁灸主頭痛目眩淚出痛痒生翳瞤動不怠○巨窾俠鼻

孔傍八分直瞳子針入三分灸七壯主風寒鼻準腫痛癢

癢口辟目赤痛痒多淚白翳遮睛○地倉俠口傍四分近

下有動脈處針入三分灸二十七壯者灸七七壯又炷如一

分若太令人口轉啞如欲治灸承漿七壯忌房事毒食

主偏風口喎失音不言飲食漏落瞤動○大迎曲頰前一

寸三分骨陷中動脈針入三分灸三壯主頭痛面浮目瞤



口咽口燥不言下牙齒痛寒熱瘰癧數欠氣風痙頰頰腫  
連面。人迎結喉傍一寸半大筋外禁用針灸。水突直  
人迎下氣舍上二穴之中灸三壯主咽腫欬逆氣喘不得  
臥。氣舍直人迎下俠天突傍陷中針入二分灸三壯主  
喉痺項強瘰癧有腫欬逆上氣。缺盆有前橫骨陷中禁  
針灸三壯主疾痺瘰癧瘰癧咳寒熱缺盆中腫痛腹滿水氣  
哽噎胃熱息賁脇下氣上衝。氣戶巨骨下俠俞府傍二  
寸陷中仰而取之針入四分灸五壯主胃脇脹滿喘氣有  
聲不知食味。車房氣戶下一寸六分針入四分灸五壯  
主肺寒咳喘唾膿血胸脇支滿。屋翳車房下一寸六分  
針入四分灸五壯主身腫皮痛不可近衣瘰癧不仁咳喘  
唾濁沫膿血。膺窓屋翳下一寸六分針入四分灸五壯  
主胸脇癰腫及腸鳴泄瀉乳癰寒熱短氣嘔吐不安。乳  
中即乳頭上禁用針灸。乳根乳下一寸六分針入四分  
灸五壯主胸滿痛及膺腫乳癰熱痛已上缺盆至此俱膺  
部三行。不容平巨關傍三寸挺身取之針入五分灸五  
壯主口乾嘔吐喘咳胃背引痛脇痛腹痛如刺有瘰癧積  
氣痙瘕。承滿不容下一寸針入八分灸五壯主喘逆不



食有息噦血脇下堅痛及腸鳴腹脹○梁門承滿下一寸  
針入八分灸五壯主胃腸下積氣不思飲食太腸滑泄穀  
不化○關門梁門下一寸針入八分灸五壯主積氣腸鳴  
泄利不食腹中遊氣俠臍急痛痰瘕振寒○太乙關門下  
一寸針入八分灸五壯主顛狂吐舌心煩○滑肉太乙下  
一寸針入八分灸五壯主顛狂吐舌嘔逆或吐不容至不  
樞七次折量之○天樞平臍傍二寸針入五分灸百壯主  
面浮腫噦血吐血狂言嘔吐霍亂泄利食不化久積冷氣  
繞臍切痛衝心腹痛腹脹腸胃遊氣切痛女子漏下赤白  
○外陵天樞下一寸針入八分灸五壯主腹中盡痛心  
懸下引臍痛○太乙天樞下二寸針入八分灸五壯主善  
驚煩渴偏枯癰疽小腹滿小便難陰下縱○水道天樞下  
五寸針入二寸半灸五壯主腰背痛及三焦結熱二使不  
利小腹滿引陰中痛膀胱寒○歸來天樞下七寸針入八  
分灸五壯主胃脘知上八引莖痛婦人血臍積冷○氣衝  
天樞下八寸動脉禁針灸五壯主腹中太熱攻心腹脹臍  
下堅癰疽陰腫陰痿莖中痛兩丸牽痛不可仰臥及石水  
腹滿熱淋不得尿婦人月水不通無子氣亂絞痛胞衣不



出已上不容至此俱腹部三行○髀關膝上伏兔後跨骨  
橫紋中針入六分灸三壯主黃疽痿痺不得屈伸股內筋  
急○伏兔膝髀縛上六寸向裏灸○陰市膝上三寸直  
伏兔陷中痺而取之針入三分禁灸主腹痛痿厥少氣腰  
如水冷痛不可顧○梁丘膝上二寸兩筋間針入三分灸  
三壯主大驚乳痛筋攣膝痺不得屈伸○犢鼻膝頭眼外  
側大筋陷中針入六分禁灸主膝中痛不仁難跪起膝腫  
離潰者不可治不潰者可治○三里犢鼻下三寸筋骨外  
廉分肉間針入二寸灸七壯愈多愈好主頭目昏眩口苦  
口噤鼓頤口啞喉痺嘔吐狂言狂笑咳嗽多唾乳腫乳癰  
胃滯惡聞食氣或中消善饑霍亂瘵癰脇脹腹脹腸鳴胸  
腹中痰血水腫癰疽泄瀉身熱肚熱惡寒肘痛心痛腹痛  
腰痛足膝痠足熱小腹堅滿小便不利食氣盛毒五勞羸  
瘦七傷虛乏○上巨虛三里下三寸鑿足取之針入八分  
灸三壯主臟氣不足腸滿臍腹脹痛泄食不化偏風腰腿  
手足不仁小便難○條口三里下五寸針入二分禁灸主  
濕痺脛寒足膝痠痛緩弱○下巨虛三里下六寸針入三  
分灸三壯主變枯唇乾口中流涎次指間痛胃熱不食泄



膿血胃脇小腹痛乳癰暴驚狂小便難寒濕下注足脛跖  
痛肉脫○豐隆外踝上八寸骨中針入二分灸三壯主頭  
痛面腫痰痺胸腹切痛四肢腫寒熱汗出大小便難發狂  
歌走見鬼及厥逆手卒青心痛如刺○解谿足腕上繫草  
鞋帶處去內庭上六寸半針入五分灸三壯主頭風目眩  
目赤面腫口痛齒痛舌腫腹腫霍亂轉筋膝股腫胛痠痺  
癢顛疾瘡疾○衝陽內庭上五寸骨間動脈針入三分灸  
三壯主面腫口眼喎斜齒齲痛腹大不食足痿及熱病汗  
不出寒戰發狂瘡疾○陷谷內庭上二寸骨陷中針入五  
分灸二壯主面自癰腫浮腫熱病汗不出振寒瘡疾胸脇  
支滿腹滿喜噦腸鳴而痛○內庭足次指三指岐骨陷中  
針入三分灸三壯主口禁口喎齒齲痛咽痛腹脹不得息  
四肢厥逆○厲兌足大指次指端去爪中角如韭葉針入  
一分灸一壯主鼻不利涕黃口喎吐舌齲齒喉痺頸疾心  
痛脛寒寒熱瘡不嗜食  
脹滿不得息尸厥中惡

二十一穴脾中脘隱白在足大指頭大都太白公孫盛商



坵三陰交可求漏谷地箕陰陵穴血海箕門衝門開府舍

腹結大橫挑腹良食竇連天谿胃鄉周榮大包隨足太陰

右四十二穴已時自衝陽過交與足太指隱白循腿腹上

行至膝下大包穴止○隱白足太指端內側去爪甲角如

韭葉針入一分禁灸主鼻衄口渴喘急嘔吐胃痛腹中冷

氣脹痛暴泄降中寒熱足不能溫卒尸厥不知人○大指

足大指內側本節後陷中針入三分灸三壯主肘腋手足

厥嘔吐暴泄霍亂心痛腹脹熱病汗出○太白足大指內

側核骨下陷中針入三分灸三壯主頭痛頭重項痛霍亂

嘔吐或泄有膿血胸脇脹痛腹脹腸鳴腰痛不可挽

仰執病煩悶大使難○公孫太白後一寸陷中針入四分

灸三壯主頭面腫心痛胃脘痛癰瘰癧肉胃腸疼隔食反

胃傷寒結胃腹脹腹鳴泄瀉裏急腸風下血脫肛五積痰

癖寒瘕不食婦人胎衣不下○商丘足內踝下微前陷中

針入四分灸三壯主心下有寒脾疼脾熱脾虛令人不樂

腹脹心煩骨痺顛癇痲痺瘡血刺後重痔骨蝕絕陰股內痛

熱

泄



孤病上下小腹堅痛下引陰中。○三陰交內踝上三寸骨後筋前針入三分灸三壯主膝內寒痛小便不利身重足痿痠痺腹寒氣逆脾病四肢不舉腹脹腸鳴溇泄食不化女子漏下不止。○漏谷內踝上六寸骨下陷中針三分禁灸主心悲氣逆腸鳴腹脹飲食不為肌膚痠痺冷氣小便不利失精濕痺不能行足熱痛腿冷麻痺不止。○地箕膝下五寸大骨後佗足取之針入三分灸三壯主溇泄腹痛氣脹水腫小便不利腰痛足痛顛疾精不足女子血瘕按之如以湯沃股膝陰皆痛。○陰陵泉膝下內側輔骨下陷中曲胫取之針入五分禁灸主心下滿寒中腹脹脇滿腹中水氣喘逆霍亂暴泄足痛腰痛小腹堅急小便不利又治遺尿失禁氣淋婦人產後血暈同地箕。○血海膝膕上三寸內廉骨後筋前白肉際針入五分灸五壯主血漏下血閉不通月水不調氣逆脹滿。○箕門血海上六寸陰股內動脈應手筋間禁針灸三壯主淋及小腹腫痛已上足腿部。○循門大橫下五寸橫骨兩端約紋中灸五壯主寒氣痛腹積痛陰疝難乳子氣上衝。○府舍大橫下三寸灸五壯主心腹脇痛積聚霍亂。○腹結大橫下一寸三分灸五



壯主繞臍冷痛搶心腹寒壯欬逆。太橫平臍傍四寸半  
灸五壯主腹熱欲走太息四肢不可動多汗洞泄太風逆  
氣多寒善怒。腹哀日月下一寸六分禁臍取之針入四分灸五壯  
行。食實天谿下一寸六分臍旁取之針入四分灸五壯  
主胃腸支滿臍間雷鳴。天谿臍鄉下一寸六分臍中仰  
而取之針入四分灸五壯主喘氣乳腫癰潰黃腹餘同食  
實。胃鄉周榮下一寸六分臍中仰取之針入四分灸三  
壯主胃腸支滿引胃背痛。周榮中府下一寸六分臍  
中仰取之針入四分禁灸主胃腸支滿咳唾膿血欬逆上  
氣飲食不下已上臍部四行。大包側脇部淵腋下三寸  
針入四分灸三壯主腹大胃腸中痛  
內實則其身盡寒虛則白節皆縱

九炷午時手少陰極泉青靈少海深靈道通里陰郄遂神

門少府少衝尋

手少陰心經左右一十八穴午時自大包  
交與腋中極泉循臂行至小指少衝穴止

○極泉腋中筋間動脈入胸處灸七壯主目黃咽乾心痛  
脇滿乾嘔煩渴四肢不收。青靈泉肘上三寸伸肘舉臂



取之禁針灸三壯主頭痛目黃胸痛肩不能舉○少海肘  
內廉橫紋頭盡處陷中曲手向頭取之針入三分灸五壯  
主頭痛目黃目眩項強齒痛嘔吐肩背肘腋脇引寒痛顛  
痛世舌瘡疾寒熱汗出四肢不舉○靈道去掌後一寸半  
針入三分灸三壯主悲恐心痛癰瘰肘擊暴瘡○通里掌  
後一寸針入三分灸三壯主頭痛目眩面赤暴症肘腕痠  
重熱病煩心心悸遺尿○陰郄掌後五分動脈中灸七壯  
主驚恐心痛失瘡洒疥厥逆霍亂胸滿吐血○神門掌後  
兌骨端動脈陷中針入三分灸七壯主妄笑妄哭喉痺心  
痛數驚恐怖少氣瘧疾飲食惡寒手臂腫痛喘逆遺尿太  
人小兒五癰○少府手小指本節後直勞宮陷中針入三  
分灸五壯主眩中有氣如息肉狀掌熱肘腋手擊急胃痛  
煩滿恐悸畏人及陰痛陰痒遺尿○少衝手小指端內側  
去小指甲角如韭葉針入一分灸一壯主舌痛口熱咽酸掌  
熱心痛瘰氣煩悶悲恐善驚手掌  
肘腋腫痛身熱如火驚癰沫出

手太陽大指一十九少澤前谷後谿首腕骨陽谷養老翳支



正小海肩其偶臑俞天宗連乘風曲垣肩外肩中走天窓

天窓上顙窮聽宮耳前珠傍取手太陽小腸經左右三十

指少澤循肘上行至面聽宮穴止○少澤手小指端外側

去小中角如韭葉針入二分灸一壯主頭痛目翳迎睛口

熱口乾舌強喉痺喘如膠寒瘧汗不出瘰癧咳嗽小指不

用○前谷小指外側本節前陷中針入一分灸三壯主目

背爛淚出目翳鼻塞耳鳴咽腫頸項痛臂痛肘掌熱病牙

不出瘰癧咳嗽衄血小便赤○後谷小指外側本節橫紋

尖盡處握掌取之針一分灸一壯主喘息身熱惡寒胃滿

瘰癧瘰癧同前谷○腕骨掌後外側高骨下陷中握掌向內

取之針二分灸三壯主頭痛脇肋痛肩臂腕急痛如脫五

指不可屈伸乍寒乍熱瘰癧狂言驚風瘰癧餘同上二穴○

陽谷手腕外側兌骨下陷中針二分灸三壯主目眩上下

齒痛妄笑妄言腹滿痔瘡陰痿餘同腕骨○養老腕骨後

一寸陷中灸三壯主手攣肩痛目昏支正腕骨後五寸

灸三壯針三分主頭痛目眩頸腫項痛風虛驚恐狂言身



熱消渴善食腰脛痠。○小海肝內大骨外去肘端五分陷  
中屈肘取之針二分灸三壯主頭項強齒斷腫痼症  
吐舌痠喉頭狂肘腋腫瘍腫小腹痛寒瘧風瘧。○有真肩  
髃後兩骨鐮間針入一寸八分禁灸主頤痛頭強耳鳴耳  
聾肩手臂風痺不舉。○臑前肩窠後大骨下肘上廉陷中  
舉臂取之針八分灸三壯主寒熱肩腫引肘中痛臂痿無  
力。○天宗乘風後大骨下陷中針五分灸三壯主肩重臂  
痛肘後廉痛頰頤痛。○乘風天宗前小髃後舉臂有空針  
五分灸三壯主肩痛不舉。○曲垣肩中央曲肘陷中按之  
應手痛灸七壯主肩痺肩肘拍急疼。○肩外俞脾上廉  
去大髃傍三寸灸三壯主肩脾痛至肘引項急寒熱。○肩  
中俞脾內廉去大髃傍二寸陷中灸三壯主目昏咳嗽唾  
血上氣寒熱。○天窓完骨下髮際上頸上太筋處動脈陷  
中針六分灸三壯主耳痛耳鳴聾頰腫咽痛暴瘡肩痛引  
項。○天容耳下頰車後陷中灸三壯主喉痺頸腫項痛耳  
鳴咳喘寒熱。○顴髎面頰兌骨下下廉陷中禁用針灸主  
目黃赤口咽僻齒痛。○聽宮耳前珠子傍針一分  
灸三壯主耳鳴聾口喎啞鳴心腹滿痛臂痛失音。



足太陽穴六十七睛明目內紅肉藏攢竹眉冲與曲差巨  
顙上寸半承光通天絡郄玉枕昂天柱後際大筋外太杼  
背部第二行風門肺俞厥陰四心俞督俞膈俞強肝膽脾  
胃俱揆次三焦腎氣海太腸關元小腸到膀胱中膂白環  
仔細量自從太杼至白環各各節外寸半長上第次窮中  
復下一空二空腰髀當會陽陰尾骨外取附分俠脊第三  
行魄戶膏肓與神堂譙譙膈關魂門九陽剛意舍仍胃倉  
盲門志堂胞之盲二十柱下秩邊場扶承髀橫紋中央殷  
門浮郄到委陽委中合陽承筋足承山飛揚蹠附陽金門



崑崙下僕參申脉京骨束骨忙通谷至陰小指傍足太陽膀胱經

左右一百三十四穴申時自聽宮交與睛明循頭頸下并

腰腎腿至足小指至陰穴止○睛明目內背紅肉陷中禁

用針灸○攢竹當眉頭陷中禁用針灸○眉冲直眉頭上

神庭曲差之間針入三分禁灸主上痛頭痛鼻塞○曲差

前髮際俠神庭傍一寸半灸七壯主頭項痛目昏身熱心

煩滿汗不出○巨處上星傍一寸半針三分灸五壯止主

頭風目眩脊強反折瘰癧頸疾○承光巨處後一寸半禁

用針灸○通夫承光後一寸半針三分灸三壯主頭痛重

暫起僵仆鼻塞喘息不利口喎多偏顛衄有瘡○絡却通

天後一寸半禁針灸三壯主頭旋耳鳴目盲內障顛狂僵

仆瘰癧腹脹滿不得息○玉枕絡却後一寸半橫俠腦戶

一寸三分起肉枕骨上禁針灸三壯主因矢枕頭重頭半

邊寒痛項痛如拔及風眩目痛耳聾鼻塞目上插卒起僵

仆惡見風寒汗不出○天柱頸太筋外俠後髮際陷中針

三分灸三壯至百五十壯止主頭痛頭旋目昏目如脫淚

出鼻不知香臭風眩卒暴癰眩狂言目上視及項如拔項



疼急煩滿汗不出身肩背痛欲折已上頭部二行○太極  
第一節外一寸半陷中針三分禁灸○風門二節外一寸  
半針五分灸五壯主傷寒頭痛頭強鼻塞流涕目盲衄血  
咳嗽嘔逆胃背痛氣短不安○肺俞三節外一寸半針三  
分灸三壯主胃中痛滿背僂如龜脊強支滿腰氣吐逆上  
氣寒熱不食肉痛皮痒傳屍骨蒸肺嗽喘欬少氣百病○  
厥陰俞四節外一寸半灸五壯主嘔逆牙疼胃悶○心俞  
五節外一寸半禁用針灸○督俞六節外一寸半灸三壯  
主寒熱心痛腹痛雷鳴氣逆○膈俞七節外一寸半灸五  
壯主喉痺胃脇痛肩背不得傾側心痛痰飲吐逆汗出寒  
熱骨痛虛脹支滿痰瘧瘵癰氣塊膈上痛身常濕不食○  
肝俞九節外一寸半針入二分灸三壯主中風支滿脇痛  
短氣不食食不消吐血目昏有疼腰痛寒疝熱病瘵後食  
五辛多患眼暗如雀目鼻中酸寒瘧熱瘧○膽俞十節外  
一寸半正坐取之針二分灸二壯主頭痛目黃舌乾心脹  
滿吐逆短氣痰悶食難下不消胸脇不能轉側腋下腫振  
寒汗不出○脾俞十一節外一寸半針三分灸三壯主脇  
下滿吐瀉瘕痢腹脹黃疸身重瘕癖積聚腹痛寒熱引脊



痛能食而瘦腰脊強急熱瘥骨痛○胃俞十二節外一寸  
半針三分灸三壯主腸滿脊痛腹脹腹痛腸鳴嘔吐不食  
筋脉攣急○三焦俞十三節外一寸半針三分灸三壯主  
頭痛目眩肩背拘急腰脊強痛腹脹腹痛吐衄食不化腸  
鳴腹中積聚如石○腎俞十四節外一寸半與臍相對針  
三分灸三壯主腎虛水臌脹耳聾目眩面赤心痛如懸  
脇痛引滿嘔吐寒中洞泄腰痛脚膝拘攣小便赤白濁尿  
血遺精小腹疼痛好獨卧身重如水骨蒸寒熱一切五勞七  
傷○氣海俞十五節外一寸半主腰痛痔病○太腸俞十  
六節外一寸半針三分灸三壯主腰痛腸鳴脹滿遺精中  
痛三便不利或泄痢食不化脊強腹腫○關元俞十七節  
外一寸半主風勞腰痛泄痢虛脹小便難婦人瘕聚諸疾  
○小腸俞十八節外一寸半針三分灸三壯主大便膿血  
痔痛出血婦人帶下太使難小便淋泄痢五色重下腫痛  
腰脊強痼痛○膀胱俞十九節外一寸半針三分灸三壯  
主風勞腰痛泄痢腸痛便難溺赤陰瘡足脛冷拘急不得  
屈伸婦人瘕聚煩滿汗不出小便黃赤腰脊急強積聚堅  
結足清不仁熱瘥引骨痛○中膂俞二十節外一寸半伏



而取之針三分灸三壯主赤白痢虛渴汗出腰不得俛仰  
腹脹脇痛疝寒熱瘥反折○白環俞二十一節外一寸半  
禁用針灸○上窮腰髀骨下第一空俠脊兩傍陷中餘三  
窞少斜上濶下狹是也針二寸灸三壯主鼻衄嘔逆寒熱  
腰痛婦人絕子瘡寒熱陰挺出不禁白瀝瘥反折大小便  
利○次窞第二空陷中針二寸灸三壯主腰下至足不仁  
惡寒婦人赤白瀝下心下積脹大小便利疝氣下墜○中  
窞第三空陷中針二寸灸三壯主五勞七傷六極腰痛婦  
人赤淫時白氣瘥月事少大便難小便利腹脹瘕泄○下  
窞第四空陷中針二寸灸三壯主腰痛婦人下泝汁不禁  
赤瀝陰中痒痛引小腹不可俛仰大小便利腸鳴腹脹欲  
泄○會陰陰尾骨外各開一寸半針八分灸三壯主腹中  
有寒泄瀉腸澼便血久痔陽虛陰汗濕已上俱屬背部第  
二行各開一寸半○附分第二節外三寸附項內廉陷中  
正坐取之針八分灸五壯主背痛引額引頭肩背拘急風  
冷客於腠理頸項強痛不得回顧風勞臂肘不仁○魄戶  
三節外三寸針五分灸五壯主欬逆喘氣不得卧肺寒熱  
項強背胛無力勞損痿黃五戶走注○膏肓四節外三寸



取穴主治見後灸法。○神堂五節外三寸針三分灸五壯  
主有痛胃腹滿脊強急寒熱。○譙譙六節外三寸膊內廉  
以手厭之令病人抱肘作噫噓之聲則指下動矣針六分  
灸五壯主目眩鼻衄有背痛脇痛喘急熱病汗不出虛損  
不睡五心熱寒瘧寒瘧風瘧溫瘧瘡久瘡小兒食晦頭  
痛。○膈關七節外三寸平坐開肩取之針五分灸五壯主  
背痛脊強食不下唾噦多。○魂門九節外三寸針五  
分灸五壯主食飲不下腹中雷鳴大便不節嘔吐不往多  
涎。○陽剛十節外三寸針五分灸五壯主小便黃腸鳴泄  
瀉消渴身熱面黃怠惰目黃不食餘同。○魄門十一  
節外三寸針五分灸五壯至一百壯止主腹滿虛脹大  
便泄滑消渴面黃嗜飲目赤。○胃倉十二節外三寸針五  
分灸五壯主腹內虛脹水食不消惡寒不能復仰水腫臌  
脹食飲不下。○盲門十三節外三寸針五分灸三十壯主  
心下堅滿婦人乳有餘疾。○志堂十四節外三寸針五分  
灸五壯主腰脊強腹痛陰痛下腫失精小便淋瀝。○胞育  
十九節外三寸陷中伏而取之針灸主治同志堂。○秩邊  
二十節外三寸針五分灸三壯伏而取之主腰痛尻重不

時



能舉發腫小便赤黃已上俱屬背部二行○扶承尻臀下  
陰股上橫紋中針五分禁灸主腋下腫脊腰尻臀陰股寒  
痛痔瘡小便不禁大便直出遺精胞寒又大便難者亦治  
○殷明扶承下六寸針五五分禁灸主腰脊不可視仰股外  
腫因瘀血注之○浮郤委陽上一寸屈膝取之針五五分灸  
三壯主小腹熱大便堅膀胱經熱大腸結股外筋急○委  
陽膝腕橫紋尖外廉兩筋間委中外一寸屈身取之針七  
分灸三壯主陰跳遺小便難小腹堅痛引陰中淋瀝腰痛  
脊強癱瘓顛疾頭痛筋急腋腫胃滿膨脹身熱飛尸道注  
痿厥不仁○委中膝腕內臑橫紋中央動脈針五分禁灸  
凡患風痺腰脚重痛於此刺血久疾亦皆立已主小腹熱  
而偏痛尿赤難衄血不止腰痛俠脊至頭皆痛痔痛脇下  
腫痛脚弱膝攣腰尻重不能舉半身不遂熱病汗不出足  
熱厥逆餘同委陽○合陽直委中下一寸針五五分灸五壯  
主腰脊強痛引腹膝股熱肘痿重癰疔女子崩中腹痛腸  
辟陰痛○承筋腓後腓股中央從脚跟上七寸禁針灸三  
壯主治同承山○承山腓股下分肉間拱足去地一尺取  
之針七分灸五壯主頭痛鼻鼾衄指腫腰脊痛腹痛小腹



疝氣大便難，脚攣脛痠痺，眼痛急，足下熱，不能久立，轉筋  
霍亂，瘕瘕，久痔，腫痛，支腫，寒熱，汗不出。○飛揚，外踝上七  
寸，骨後，針五分，灸三壯，主頭痛，目眩，鼻衄，頸項疼，歷節風  
足，指不得屈伸，腰痛，脇痛，寒瘧，狂瘧，顛疾，吐舌，瘰癧，反折，痔  
篡傷，痛，野雞痔，逆氣，足痿，失履，不收。○附陽，外踝上三寸，  
飛揚下，針六分，灸三壯，主頭重，痠厥，風痺，脇痛，外廉，骨痛，四  
肢不舉，瘕瘕，時有寒熱。○金門，外踝下，骨空陷中，針三分，  
灸三壯，主顛疾，馬癰，反張，屍厥，暴死，轉筋，霍亂，脚脛痠，身  
戰，不能久立。○關崑，外踝後，跟骨上陷中，動脈，針五分，灸  
三壯，主頭熱，目眩，如脫，目痛，赤腫，鼻衄，衄，腹痛，腹脹，喘逆，  
大便洞泄，體痛，霍亂，尻腰腫，脇跟腫，脚如裂，不得履地，風  
癰，口瘰癧，多汗，小兒陰腫，頭眩痛，脚痿，轉筋，尸厥，中惡，吐  
逆，咳嗽，暴痛。○僕參，足後，跟骨下陷中，拱足取之，針三分，  
灸七壯，主足跟痛，足痿，顛癰，吐舌，鼓頤，狂言，見鬼，恍惚，尸  
厥，煩痛，轉筋，霍亂，小兒馬癰，反折。○申脉，外踝下，容爪申，  
白肉際陷中，針三分，禁灸，主目反上視，或赤痛，從內眥始，  
腰痛，脛寒，熱，不能久立，坐，顛疾，鼻衄。○京骨，足外側，大骨  
下，赤白肉際陷中，針三分，灸三壯，主頭熱，目眩，白翳，從內



背始鼻衄鼻不利涕黃頸項強痛脊脊及脚難<sub>レ</sub>以<sub>レ</sub>俛仰瘡  
瘡顛狂驚悸不食痰注<sub>レ</sub>脾樞痛淋瀝○<sub>レ</sub>東骨足小指外側  
本節後陷中針三分灸三壯主目眩目赤爛耳聾項強腰  
痛腸澼顛狂大便秘時頭痛瘧疾從脚脛至<sub>レ</sub>脾樞中痛不可  
藥○<sub>レ</sub>通谷足小指外側本節前陷中針一分灸三壯主頭  
重頭痛目眩咽澆鼻衄涕項強痛胃脇滿心下悸<sub>レ</sub>節飲  
數欠熱病汗不出○<sub>レ</sub>至陰足小指端外側去<sub>レ</sub>爪甲角如韭  
葉針一分灸三壯主頭風鼻塞鼻鼾清涕耳鳴聾胃脇痛  
無常處腰脇引痛小便不利失精風寒從<sub>レ</sub>  
足小指起脉痺轉筋寒瘧汗不出足下熱

足少陰穴二十七湧泉然谷太谿溢太鍾水泉照海深復  
溜交信築賓實陰谷膝內附骨後已上從足走至<sub>レ</sub>膝橫骨  
大赫照氣穴四滿中注育俞臍商曲石關陰都密通谷中  
門寸半開折量腹上分十一步廊神封膺靈虛神藏域中



俞府畢

足少陰腎經左右五十四穴，時自至陰交與足心湧泉循膝腹上行至胃俞府穴止。○湧泉，脚掌

中心屈足，撻指取之，針三分，灸三壯，主目眩、喉痺、脇滿、心

中結熱、心痛、咳嗽、身熱、風癰、腰痛、女子如妊娠、五指端盡

痛，足不得履地，引八腹中痛。○然谷，內踝前起，脊下陷中

針三分，灸三壯，刺此多見血，令人立饑，欲食，主喉痺、舌下

腫、涎出、喘氣、咳嗽、血消渴、心恐懼、洞泄、胸中寒、脉代、溫瘧

陰縮、內腫、小腹寒、疝、搶胃、脇淋、瀝、男子精溢、肝疲、肘腫、不

能履地，一足寒、一足熱、小兒初生、臍風、口禁。○大谿，內踝

後五分，跟骨間動脉，陷中，針二分，灸三壯，主咽腫、嘔吐、口

中如膠、善噦、欬逆、咳嗽、唾血、脇痛、腹痛、痲痺、疝瘕、積聚、與

陰相通及足清不仁、熱病多汗、黃疸、多熱、少寒、大便難。○

太谿，太谿下五分，針二分，灸三壯，主實則小便、淋閉、洒洒

腰脊強痛、大便閉、澀、腎虛、口中熱、虛則嘔逆、多寒、欲閉戶

而處、少氣、不足、胃脹、喘息、舌乾、咽中多噎、不得下、善驚恐

不寐、喉中鳴、咳、唾血、腹滿、便難、多寒、少熱。○水泉，太谿下

一寸，針二分，灸三壯，主月事不來、來即心下悶、痛、目不能

遠視、陰挺出、小便淋瀝、腹中痛。○照海，內踝下四分，微前



小骨下針四分灸三壯主噤乾四肢解怠善悲不樂久瘧  
卒病小腹痛嘔吐腎胃大風偏枯不遂女子淋瀝陰挺出  
陰暴起疝小腹熱而偏痛大風默默不知所痛視如不明  
○復縮內踝後上二寸動脈中針三分灸五壯主目昏口  
舌乾涎自出腹鳴鼓脹水腫視溺青赤黃白青取井赤取  
榮黃取俞黑取合血氣泄後腫五淋小便如散火骨寒熱  
汗注不止腰脊痛不可起坐脚後廉急不可前却足跗上  
痛風逆四肢癱瘓○交信內踝上二寸復縮前三陰交後筋  
骨間針四分灸三壯主氣淋瘕疝陰急股引脇內廉腎痛  
泄痢赤白女子崩漏○禁濱內踝上臍分中腎後大筋上  
小筋下蠶膝取之針三分灸五壯主小兒疳痛不得乳藥  
狂嘔沫足臍痛○陰谷膝內附骨後大筋下小筋上動脈  
屈膝取之針四分灸三壯主舌下腫膝痛如錐股內廉痛  
陰痿婦人漏下心腹脹滿不得息小便黃已上俱足臍部  
○橫骨陰上橫骨中央宛曲如仰月陷中曲骨外一寸半  
禁針灸三壯主五臟虛竭腹脹小便難失精陰痛○太赫  
氣穴下一寸針一寸灸五壯主虛勞失精陰上縮莖中痛  
灸三十壯女子赤沃○氣穴四滿下一寸左各氣穴左右各



子戶針一寸灸五壯主月水不通腰脊痛時利<sub>上</sub>四滿  
中注下一寸針一寸灸五壯主腹痛奔豚臍下積痞婦人  
胞中惡血疝痛<sub>上</sub>○中注<sub>上</sub>育俞下一寸針一寸灸五壯主小  
腹熱大便秘<sub>上</sub>○育俞平神闕外一寸半針一寸灸五壯主  
大便燥腹痛及大腹寒疝小腹有熱○商曲石關下一寸  
針一寸灸五壯主腹中積聚切痛不食<sub>上</sub>○石關陰都下一  
寸針一寸灸五壯主多嘔吞酸<sub>上</sub>不關大便氣結心滿<sub>上</sub>瘕反  
折婦人胞中惡血逆痛<sub>上</sub>○陰都通谷下一寸針一寸灸三  
壯主多嘔<sub>上</sub>嘔沫心滿<sub>上</sub>氣逆腸鳴熱瘧便難婦人無子胞中  
惡血絞痛不可忍<sub>上</sub>○通谷幽門下一寸針五分灸五壯主  
頭痛目昏鼻鼾涕淚強<sub>上</sub>口喎<sub>上</sub>暴音咽啞不利心中憤鬱  
驚悸嘔吐胃滿留飲癖積<sub>上</sub>○幽門平巨闕外一寸半針五  
分灸五壯主善嘔<sub>上</sub>嘔沫食飲不下<sub>上</sub>吐有膿血胃痛煩悶  
健忘腹脹滿氣逆<sub>上</sub>已上俱腹部二行○步廊神封下一寸  
六分去中庭外二寸針四分灸五壯主鼻塞<sub>上</sub>胃脇支滿喘  
息不得<sub>上</sub>壅臂<sub>上</sub>○神封靈虛下一寸六分針四分灸五壯主  
胃滿不得息欬逆乳癰惡寒<sub>上</sub>○靈虛神藏下一寸六分針  
四分灸五壯主胃脇支滿喘氣嘔吐不食<sub>上</sub>○神藏域中下



一寸六分針四分灸五壯主咳嗽餘同靈虛○城中俞府  
下一寸六分針四分灸五壯主喘悸餘同靈虛○俞府巨  
骨下去璇璣外二寸針灸主治同靈虛  
已上俱屬膺部二行陷中仰而取之

九穴心胞手厥陰天池天泉曲澤郄門間使內關對太

陵勞宮中衝侵手厥陰心胞絡經左右一十八穴戊時自  
俞府交與乳傍天池循手臂下行至中指

中衝穴止○天池乳外二寸側脇陷中針三分灸三壯主

頭痛寒熱胃滿肢腫上氣喉中有聲○天泉曲臑下二寸

舉臂取之針三分灸三壯主欬逆胃脇支痛膺背脾臂內

廉臂痛○曲澤肘腕內橫紋中央動脈曲肘取之針二分

灸三壯主心痛逆氣嘔涎或血善驚及傷寒溫病身熱口

乾肘痠掣痛撻頭○郄門太陵後五寸針五分灸五壯主

心痛衄血嘔血驚恐神氣不足○間使太陵後三寸針六

分灸七壯主胸痺引背痛心懸如饑卒心痛肘內廉痛熱

病煩心喜噦喜動惡風寒嘔吐掌熱多驚肢腫肘擊急○

內關太陵後二寸主面赤熱目昏目赤支通中風肘擊實



心暴痛虛心煩惕傷針六分灸三壯○大陵掌後橫紋兩筋兩骨陷中灸六分灸三壯主頭痛目赤舌本痛喉痺噎乾欬逆嘔熱喘急喜笑喜驚手掣手攣及肘臂腋腫心痛煩悶掌熱身熱如火一切風熱無汗瘡疥瘡疥○勞官手掌橫紋中心屈中指取之針三分灸三壯主咽嗑痛大小便見血不止風熱善怒喜笑熱病汗不出休惕胃腸不可反側欬喘溺赤嘔吐血氣逆噎不止食不下善渴口中爛手痺掌熱黃疽目黃○中衝手中指端去爪甲如韭葉陷中針一分灸三壯主頭痛如破神氣不足失志餘同太陵

二十三穴手少陽關衝液門中渚傍陽池外關支溝正會

宗三陽四瀆長天井清冷淵消灤臑會肩髃天竅堂天牖

翳風瘰癧青顙顙角孫絲竹張禾竅耳門聽有常手少陽三焦經

左右四十六穴亥時自中衝交與手四指關衝循臂上行至面耳門穴止○關衝手四指端外側去爪甲角如韭葉



針一分灸三壯主風眩頭痛目翳舌卷舌本痛口乾喉痺  
心煩臂外麻痛手不及頭肘疼不能自帶衣肩臂疼重心  
痛風熱病煩悶汗不出掌中熱身熱如火或寒霍亂氣逆  
不得用。按明手小指次指本節前陷針二分灸三壯主  
頭痛面熱無汗風寒熱耳痛龍鳴目澁目眩齒痛面赤咽  
外腫內如息肉寒厥痲痺呼吸短氣喜驚臂痛不能上下  
○中渚手小指次指本節後陷中握掌取之針二分灸三  
壯主頭重額顱熱痛目昏面赤咽腫痛耳聾痛肘臂痛  
手指不得屈伸熱病汗不出目生翳膜久瘧寒熱○陽池  
手掌背橫紋陷中針二分灸三壯主熱病汗不出寒熱瘧  
或因折傷手腕捉物不得肩臂痛不得舉○外關陽池後  
二寸針三分灸三壯主肘腕痠重不得屈伸手指盡痛耳  
痺渾無所聞臂痿不仁○支溝陽池後三寸兩筋間針  
二分灸三壯主面赤目赤眩痛暴瘡口噤嘔吐霍亂腹痛  
及真心痛肘臂痠痺馬刀腫癰漏瘡疥癩女入脊急四肢不  
舉熱病汗不出○會宗支溝外傍一寸空中灸三壯主耳  
聾肌骨痛風癰○三陽絡陽池後四寸禁針灸七壯主喑  
卧四肢不舉動搖耳卒聾齒齲暴瘡不言○四瀆肘前五



寸外廉陷中主呼吸短氣咽中如魚肉狀耳暴聾下牙痛  
○(天井)肘上大骨後一寸兩筋陷中屈肘取之針一寸灸  
三壯主大風默默不知所痛瘡食時發心痛驚悸顛癇吐  
舌羊鳴疾頸肩痛痿痺麻木咳嗽唾膿○清冷淵肘上三  
寸伸肘舉臂取之灸三壯主有不舉頭痛目黃脇痛振寒  
○消滌肩下臂外開腋針肘分取之針五分灸三壯主頭  
痛項如拔頸有大氣寒熱痺○臑會臂前廉去肩頭三寸  
針五分灸五壯主癭瘤氣咽腫寒熱瘰癧頸疾肘節痺臂  
酸重腋急痛肘臂痛難屈伸○肩髃肩端外陷臑會上針  
舉臂取之針七分灸三壯主臂痛重不舉○天窵缺盆上  
忠骨際陷中針八分灸三壯主肩臂肘痛或引頸項急寒  
熱胃滿欬盆中痛汗不出○天牖耳下頸大筋外髮際上  
一寸禁用針灸○翳風耳珠後陷中按之引耳中針二分  
灸七壯主耳痛鳴聾口噤口眼喎斜下牙齒痛失欠脫頤  
頰腫牙車急痛○瘵脉耳本後鵠足青脉上禁用針灸○  
顓顓耳後上青脉間禁針灸七壯主頭重目昏風聾耳痛  
塞耳痛鳴嘔吐胃腸引痛不得俛仰及發癰風癰○角孫  
耳廓上中間髮際下開口有空禁針灸三壯主目生翳



牙痛頸腫項痛。○絲竹眉尾骨後陷中。針三分禁灸。○禾  
髎耳門前兌髮下橫動脈。針三分禁灸。主風痛頭重牙車  
急耳鳴頸頰腫。○耳門耳前起肉當耳缺處。針二分  
灸三壯。主耳痛鳴聾有膿汁出生瘡。聾耳停耳齒痛。

少陽之經。瞳子窠四十三穴。行滌滌。聽會上關。領厭集懸。

顙懸釐曲鬢翹。率谷本神及揚白。臨泣目窓正營。招承靈。

天冲浮白。次完骨。竅陰腦空。搖風池肩井淵腋。部輒筋日。

月京門。標帶脉五樞維道。續居竅環跳風市。邀下瀆陽關。

陽陵穴。陽交外丘光明。宵陽輔懸鍾址墟外足。臨泣地五。

俠谿。第四指端竅陰畢。是少陽膽經左右八十六穴。子時

側脇下行至足小指竅陰穴止。○瞳子窠去目外眥五分。  
禁用針灸。○聽會耳珠前陷中。開口有空。針二分灸五壯。



主耳鳴聾齒痛口禁牙車急痛或脫嘔吐骨疼顛狂癩癰  
○上關耳前起骨上廉開口有空禁針灸三壯主青盲目  
痛鳴聾口咽唇吻強口沫出目眩牙車緊瘕癰○頰厭對  
耳額角外針五分灸三壯主風眩目無所見偏頭痛引目  
外眦急耳鳴好嚏頸痛○懸顙斜上額角中在懸顴間針  
三分灸三壯主面皮赤腫身熱煩滿汗不出餘同頰厭○  
懸顴從額斜上頭角下陷針二分灸三壯主偏頭痛目外  
眦赤痛面赤痛羊癲煩滿熱病汗不出○曲鬢耳上入髮  
際曲鬢陷中鼓頰有空以耳掩前尖處是穴針二分灸三  
壯主暴瘡齒齕頰頰腫口禁牙車急痛○率谷耳上入髮  
際一寸半針二分灸三壯主煩滿嘔吐醉傷酒風目眩痛  
膈胃寒瘕腦角眩痛不食○本神臨泣外一寸半主顛疾  
嘔吐涎沫小兒驚癇○揚白眉上一寸直瞳子針二分灸  
三壯主瞳子痛痒昏蒙目系急上抽頭目痛目眩背寒○  
臨泣當目直上入髮際五分針三分禁灸主中風不識人  
目翳多淚風眩鼻塞肢腫喜齒胸痺心痛脇痛瘕日兩發  
○目窓臨泣後一寸針二分灸五壯主熱逆頭疼目眩唇  
吻強上齒痛目外眦赤不明寒熱汗不出○正營目窓後



一寸針三分灸五壯主諸陽之熱。○承靈正營後一寸半  
針三分灸五壯主腦風頭痛惡風寒鼻衄喘急。○天冲承  
靈後一寸半耳上如前三分針三分灸三壯主頭痛牙腫  
顛狂善驚恐。○浮白耳後入髮際一寸針二分灸七壯主  
齒痛耳鳴頸項癰腫瘰癧瘻瘻有背痛手縱足緩中滿喘急欬  
逆痰沫。○完骨耳後入髮際四寸針三分灸七壯主頭面  
痛口喎牙車急齒痛喉痺頸項腫頰腫引耳後痛肘腫足  
痿痲疾僵仆狂瘡小便黃赤。○竅陰完骨上枕骨下搖耳  
有空針三分灸七壯主頭痛如錐頰痛引耳耳鳴舌本出  
血及舌寒口乾心煩臂外時節痺不及頭鼻管疽發為癰  
鼻衄及四肢轉筋離疽。○腦空承靈後俠玉枕傍枕骨下  
陷中搖耳有空針四寸灸三壯主腦風頭痛目眩耳鳴齒  
鼻衄鼻疽發為厲項強寒熱顛疾癰瘻昔魏武患頭風發  
即心悶亂目眩華陀灸之立愈。○風池耳後一寸半橫俠  
風府針三分灸七壯至一百壯止主腦疼肺風面赤而腫  
目昏項強鼻衄咽喉痺引項攣不收寒熱顛仆煩滿汗不  
出痲癰寒熱溫病汗不出目眩頭痛淚出欠氣目昏赤痛  
氣發耳塞口僻項背僵痺。○肩井缺盆骨後一寸半以三



指按取之當中指下陷中針六分灸七壯主五勞七傷頭  
項強背縛悶兩手不得回頭或因撲傷腰腕疼脚氣上攻  
婦人墮胎後手足厥逆欬逆寒熱懷索氣不得卧○淵腋  
側腋下三寸陷中舉臂取之禁用針灸○輒筋淵腋前一  
寸針入六分灸三壯主胸暴滿喘急不得卧○日月期門  
下五分乳下三肋端針七分灸五壯主小腹熱欲走大息  
喜怒不常多言詭譎不止四肢不收○京門監骨下腰中  
俠脊處季肋本針三分灸三壯主腰痛不得俛仰寒熱膜  
脹引背不得息小便赤澀小腹痛腫腸鳴洞泄脾樞引痛  
有背寒瘕有脾內廉痛瘕瘕反折體痛○帶脉季肋下一  
寸八分針六分灸五壯主婦人小腹堅痛月水不調赤白  
帶裏急瘕瘕○五樞水道外一寸半針一寸灸五壯主男  
子寒疝陰卵上入小腹痛婦人帶下赤白裏急瘕瘕○維  
道章門下五寸三分針八分灸三壯主嘔逆不止三焦不  
調水腫欬逆○居竅章門下八寸三分陷中針八分灸三  
壯主腰引小腹痛肩引臂臂舉急手臂舉不及肩○環跳  
解樞礪子骨後宛宛中側卧膝上足伸下足取之針一寸  
灸五十壯主風濕冷痺風疹偏風半身不遂腰膝痛不得



轉側交胸脇痛無常處腰脇相引急痛髀樞中痛脛痛脛  
痺不仁○風市膝上外廉兩筋中以兩手著腿中指盡處  
是穴針五分灸五壯主癰風瘡○下漬膝上五寸大骨外  
分肉陷中禁用針灸○陽關陽陵泉上二寸犢鼻外廉陷  
中禁用針灸○陽陵泉膝中骨下一寸外廉兩骨陷中以  
踵坐取之針六分灸七壯至十七壯主膝伸不屈冷痺偏  
風半身不遂脚冷無血色及頭痛寒熱口苦咽不利頭面  
腫胃腸滿心中恐如人捕○陽交與外丘並斜向三陽分  
肉間針六分灸三壯主寒厥驚狂喉痺胃滿面腫寒痺膝  
脛不收○外丘足外踝上七寸骨陷中針五分灸三壯主  
膏肓痿痺胃腸脹痛頸項痛惡風寒顛疾○光明外踝上  
五寸針七分灸五壯主熱病汗不出卒狂虛則痠痺坐不  
能起實則足脛熱膝痛身體不仁膝脛痠痛無力手足偏  
小○陽輔外踝上四寸附骨前絕骨端針五分灸三壯主  
腰痛如坐水中如錘膝下胛腫筋痠諸節盡痛痛無常處  
腋卞腫癭漏馬力喉痺膝筋痠風痺不仁寒熱脇痛○懸  
鍾外踝上三寸動脈中針五分灸三壯主心腹脹滿胃熱  
不食膝脛痛筋攣足不收五淋濕痺流腫筋急痠痿小兒



腹滿不食。四肢不舉。風勞身重。○址墟足外踠下微前陷  
中去。臨泣二寸。針五分。灸三壯。主頭腫目昏。生翳。胃腸滿  
痛不得息。久瘡振寒。腋下痛。寒厥坐不能起。解樞中痛。腿  
脛痠轉筋。卒疝小腹堅。寒熱。○臨泣俠谿上一寸半陷中  
針三分。灸三壯。主目眩目痛。枕骨痛。心痛。胸滿。缺盆中。腋  
下腫。馬刀傷。痿。大風。肩痺。痛無常處。氣喘。痰瘧。日西發。婦  
人乳癰。月事不利。小兒驚癇。○地五俠谿上一寸。禁用針  
灸。○俠谿足小指四指本節前歧骨陷中。針三分。灸三壯  
主目外眥赤。目眩。目系急。目痒。耳聾。鳴。頰。頰腫。胸脇痛。滿  
不可轉側。痛無常處。瘧足痛。肢腫。馬刀。婦人小腹堅。痛月  
水不通。乳腫。潰。胸中寒。如風狀。頭眩。煩痛。○瘳陰足第四  
指端外側去爪申角如韭葉。針一分。灸三壯。主頭痛。心煩  
喉痺。舌強。口乾。暴赤。脇痛。欬逆。不得息。熱  
病汗不出。肘不可舉。四肢轉筋。足煩。癰疽。

一十三穴足。厥陰。太敦行間太衝。侵中封蠡溝中都近膝

關曲泉陰包臨五里陰廉羊矢穴章門常對期門深足厥陰肝



經左右二十六穴丑時自竅陰交與足大指端太敦補膝  
股上行至臍期門穴止寅時復行於肺經也○因數足太  
指端去中如韭葉後三毛中針三分灸三壯主卒疝偏  
墜及小便數遺溺陰頭中痛陰跳止入腹連臍痛病左灸  
右病右灸左又治心痛腹脹腹中熱喜寐尸厥婦人血  
崩不止五淋瘕瘕○行間足大指次指岐骨間動脈陷中  
針三分灸三壯主目盲決出口過盜乾欬逆嘔血心痛面  
蒼黑欲死胸背痛腹脹煩渴腰痛寒疝小腹腫溺難白濁  
莖中痛顛疾四肢逆冷婦人月水不利赤白帶下或身有  
反敗陰寒振寒洩白尿難痛○大衝行間上二寸動脈中  
針三分灸一壯主唇腫喉鳴盜乾肢腫馬力嘔逆嘔血善  
渴脇痛發寒腰引小腹痛小便如淋瘕疝小腹腫澹泄遺  
溺陰痛面色蒼及足寒大便難發寒附腫內踝前痛胛痠  
女人崩漏小兒卒疝○中封足內踝前一寸陷中仰足取  
之針四分灸三壯主咽偏腫難咽盜乾善渴痲痺色蒼振  
寒小腹腫繞臍痛足逆冷寒疝引腰痛或身微熱小腹痛  
洩白尿難痛身黃身重內踝前痛膝腫痲痺身軀不仁癰  
疔癰暴痛癰癰○蠡溝內踝上五寸針一分灸三壯主卒疝



小腹腫時小腹暴痛小便癃閉數噫恐悸少氣腹痛咽如  
有急肉背拍急女子赤白帶下暴腹刺痛○中都內踝上  
七寸脛骨中針三分灸五壯主腸澼瘻病小腹痛婦人崩  
中因惡露不絕足下熱脛寒不能久立濕痺不能行○膝  
關犢鼻下二寸向裏陷中針二分灸五壯主咽痛風痺膝  
內痛引臍不可屈伸○曲泉膝內輔骨下橫紋尖陷中屈  
膝取之針六分灸三壯主遺精陰股痛脇痛小便難癃閉  
少氣泄利四股不舉及身熱目眩汗不出膝痛筋急發狂  
衄血喘呼咽痛頭風失精下利膿血陰腫婦人血瘕按之  
如湯浸股內小腹腫陰挺出○陰包膝上四寸股內廉兩  
筋間灸三壯主腰尻引小腹痛溺不禁○五里氣衝下三  
寸陰股中動脈灸五壯主熱閉不得溺皆卧四股不得動  
搖○陰廉氣衝下二寸動脈中灸三壯主婦人絕產若未  
經生產者灸三壯即有子○羊矢氣衝外一寸○章門脇  
上二寸橫取六寸側脇季肋端陷中側卧屈上足伸下足  
舉臂取之針八分灸三壯至百壯止主噦噫嘔吐欬逆或  
吐無所出胃脇痛喘息心痛煩熱傷飽黃瘦背脊腹腫  
腸鳴脅強四股懈惰善恐少氣厥逆肩臂不舉熱中善食



寒中洞瀉石水身腫諸痛。期門不容外下寸半乳下二  
肋端針七分灸五壯主胃中熱脇脹心痛氣短喜酸腹大  
堅小腹充大小便難陰下縱貫脉  
上下霍亂泄注太喘婦人產餘疾

督脉中行二十七長強腰俞陽關密命門懸柱接脊中筋

束至陽靈臺透神道身柱陶道長大抒平肩二十一亞門

風府腦戶深強間後頂百會率前頂顙會上皇圓神庭素

窳水溝竈炅端開口唇中央斷交唇內任督畢  
督脉二十  
七穴背部

中行屬陽。長強背脊髓尾骨下陷中跌坐地上取之針  
二分日灸三十壯至二日壯止慎房事此持根本已冷主

心痛腸風下血五痔痔蝕小兒脫肛瀉血秋深不較驚癇  
瘰癧吐注驚恐失精目昏頭重淵瀉腰脊強痛寒瘧顛疾

○腰俞二十一節針二分灸七壯至四十九壯止忌房事  
主汗不出足清不仁腰脊強溫癰痂瘡。陽關十六節針



五分灸三壯主脛痺不仁。命門十四節針五分灸三壯  
王頭痛如破身熱如火汗不出癰瘰裏急腰腹引痛。懸  
杜十三節針二分灸三壯主腰脊不得屈伸腹中上下積  
氣水穀不化下痢十二節各接脊十一節名中杜明堂不載  
。脊中十一節禁針灸誤用令人僂僂。筋束九節針五  
分灸三壯主驚濤狂走顛疾脊急強目轉。上垂。至陽七  
節針五分灸三壯主腰痠四肢重痛怒氣難言。靈臺六  
節禁針灸五壯主熱病溫瘧汗不出。神道五節禁針灸  
三壯主腰脊急強痠瘕恍惚悲愁健忘驚悸寒熱往來熱  
喘目昏頭痛。身柱三節針五分灸五壯主顛疾癰瘰怒  
欲殺人胃熱口乾煩渴喘息頭痛吐而不出。陶道一節  
針五分灸五壯主頭重目眩洒淅寒熱頭痛脊強項如拔  
目昏如脫。太杼二節上平肩節中針五分灸七壯至四  
十九壯止主五勞七傷溫瘧痠瘕瘰瘕脊膊悶項強不得回  
顧傷寒熱盛煩嘔風勞食氣已上背部中行每節岐骨空  
中俱僂而取之。啞門項後入髮際五分宛宛中針入四  
分禁灸。風府腦戶下一寸半大筋內針四分。禁灸二穴  
誤灸令人啞。腦戶強間下一寸半枕骨上針三分禁灸



○強間後頂下一寸半針三分灸七壯主頭如針刺項如  
長髮旋顛癰心煩吐涎沫發無時○後頂百會下一寸半  
針四分灸五壯主風眩目視眈眈額顛上痛頂惡風寒諸  
陽之熱逆顛疾嘔吐百會前頂上一寸半頭頂中心旋毛  
中針三分灸百五十壯即傳三五日訖遠四圍以三稜針  
刺令出血以井花水淋之令氣宣通額灸按氣上升令入  
眼闔主脫肛風癰青風心風角弓反張羊鳴多哭言語不  
擇發時即死吐沫心中熱悶頭風多睡心煩驚悸健忘飲  
食無味飲酒面赤頭重鼻塞目泣出耳鳴聾○前頂顛會  
上一寸半骨陷中針四分灸三壯主頭風熱痛頭腫風癰  
小兒驚癇面赤腫鼻多涕項痛目眩○顛會上星上一  
寸禁針灸二七壯主鼻塞不聞香臭頭風痛白屑起多睡  
驚癇戴目上視不識人目眩面腫○上星神庭上五分針  
三分灸三壯至百五十壯止多灸按氣上升令人眼闔主  
頭風頭腫皮腫頭痛面腫鼻塞日眩目睛痛痰癰振寒熱  
病汗不出○神庭額前直鼻入髮際五分禁針誤用令人  
顛目暗灸二七壯至百壯止主風癰顛風羊鳴角弓反張  
按髮歌哭驚悸不得安寢喘渴頭痛目昏目泣出鼻流清



涕。素窈鼻準上陷中針三分。禁灸。○水溝鼻準下人中  
中直唇取之針三分灸三壯。主消渴水氣身腫顛癇乍喜  
乍哭牙關不開面腫唇動肺風狀如虫行寒熱頭痛喘渴  
目不可視鼻不聞香臭口留不能開寒熱卒中風面腫  
兌端上唇中央尖尖上灸三壯。主唇吻強上齒齲痛顛疾  
吐沫小便黃舌乾消渴衄血不止。○斷交唇內齒上縫中  
央為任督之會可逆刺之針三分灸三壯。主鼻塞喘息不  
利口留僻多涎。顛有瘡鼻生息肉鼻頭額頰中痛鼻中  
蝕瘡口噤項如拔面赤頰中痛心煩痛頸項急小兒面瘡久不可已上俱頭部中行

任脉三八起陰會曲骨中極關元銑石門氣海陰交仍神

闕水分下腕配建里中上腕相連巨闕鳩尾蔽骨下中庭

臙中募玉堂紫宮華蓋璇璣夜天突結喉是廉泉唇下宛

宛承漿舍

任脉二十四穴。腹部中行屬陰。○會陰肛門前  
前陰後兩陰間針二寸灸三壯主痔與陰相通



者死陰中諸病前後相引痛不得大小便陰寒衝心女子  
月經不通○曲骨中極下一寸毛際陷中針一寸半灸五  
壯主小便脹血瘕小便難及癰病小腹痛婦人赤白帶下  
○中極臍下四寸針一寸二分日灸三七壯至三百壯止  
主淋疾小便赤尿道痛臍下積塊如石婦人因產惡露不  
止遂成痼瘕或月事不調血結成塊拘攣腹痛月水不下  
乳餘疾絕子陰痒子門不端小腹苦寒黃脈搶心饑不能  
食腹脹經閉不通小便不利及朱精恍惚尸厥煩痛○關  
元臍下三寸針二寸日灸七壯至三十壯十日灸三百壯  
止主臍下疝痛或結血狀如覆杯婦人赤白帶下或因產  
惡露不正斷緒產道及腸下脹滿小腹熱而偏痛臍下廿  
六疾不得小便皆治及腸中尿血脬轉氣淋血淋石淋又  
小便數及泄痢不止石水黃脈氣入小腹暴病痛身熱頭  
痛往來○石門又名丹田臍下二寸針五分灸三七壯至  
一百壯止惟女人灸之絕產主大便閉塞氣結心腹堅滿  
痛引陰中不得小便并小腹中拘急暴痛汗出并水氣行  
皮中小腹皮數數然或小便黃赤氣滿不欲食穀入不化  
嘔吐黃脈氣上入小腹疝氣遊行五臟繞臍疝痛衝胃不



得息。○氣海臍下一寸半針一寸二分灸三十壯。年高者灸一百壯。主臍氣虛憊一切氣疾。小腹疝氣遊行五臟腹中切痛。冷氣衝心驚不得卧。婦人惡露不止。繞臍疼痛。氣結成塊。狀如覆杯。小便赤澀。○陰交臍下一寸針八分。日灸二十七壯。至七百日壯止。主臍下熱水氣痛。狀如刀攪。作塊狀如覆杯。婦人月水不調。崩中帶下。或因產後惡露不止。繞臍冷痛。臍下寒疝疔痛。○神闕即臍中央。禁針灸。百壯。小兒灸五壯。至七壯止。主腹大繞臍疼痛。水腫鼓脹。腸中雷鳴。狀如水聲。又冷虛憊泄利不止。及小兒姁利不絕。○水分鳩尾下六寸。禁針。日灸七壯。至四百壯止。若是水腫宜針入一寸。灸之大良。主水腫腹脹。腰痛。臍硬。繞臍衝胃。不得息。○下脘鳩尾下五寸。針一寸。日灸二十七壯。至二百壯止。主腹胃不調。不能食。腸堅。腹痛。胃脹。癰塊。脉厥。厥動日漸羸瘦。穀食不化。○建里鳩尾下四寸。針六分。禁灸。○中脘鳩尾下三寸。針一寸二分。日灸二十七壯。至一百壯止。主頭熱。目黃。鼻衄。衄背與心相引而痛。停水喘脹。腸下堅痛。寒中傷飽。飲食不化。腹熱喜渴。多有蛔腹脹便堅。霍亂心腹痛。熱溫疫癘。天行傷寒。或因讀書得賁脉氣心



悶伏氣如覆杯，憂思損傷氣積腹中甚痛，作膿腫，從來  
上下氣衝，胃胃死，不知人。○上脘鳩尾，下二寸針八分  
日灸二十七壯，至一百壯止，不瘥更倍之。主心中煩熱脹滿  
不能食，霍亂吐利，心痛不得卧，心風驚悸，悶噦伏梁，氣貫  
豚，氣風癰熱，痛身熱汗不出，三虫多涎。○巨關鳩尾，下  
寸針一寸二分，日灸七壯，至四十九壯止。主心中煩悶熱  
病胸中痰飲，息賁，血風，顛浪，言或作馬鳴，不食無力，數  
種心痛，虫痛，蠱毒，霍亂不識人，及腹滿暴痛，汗出手臂不  
舉。○鳩尾，臆前蔽骨，下五分無蔽骨者，從岐骨際下行，一  
寸取之，言其骨垂下如鳩尾之形也。禁用針灸，已上腹部  
中行俱正立取之。○中庭鳩尾上一寸臍中，下一寸六分  
陷中針三分灸五壯，主胃脇支滿，嘔逆飲食不下。○臍中，  
玉堂下一寸六分陷中，橫直兩乳中間，不宜針灸。七壯至  
四十九壯止，主肺癰咳嗽，上氣喘膿，不食，胸中氣滿如塞。  
○玉堂紫宮下一寸六分陷中針三分灸五壯，主胸滿喘  
息，膈骨痛，嘔逆上氣煩心，嘔吐寒痰。○紫宮，華蓋下一寸  
六分陷中針三分灸五壯，主胃脇滿痛，膈骨疼，飲食不下，  
嘔逆上氣煩心。○華蓋璇璣下一寸六分陷中針三分灸



五壯主胃腸支痛引胃中欬逆上氣喘不能言○璇璣  
天突下二寸陷中針三分灸五壯主胸皮痛痛喉痺咽腫  
水漿不下已上臂部中行六穴乃任脉所發俱仰而取之  
○天突頸結喉下一寸空潭宛宛中乃陰維任脉之會也  
低針取之針一寸灸三壯主欬嗽上氣噎塞胃中喉內狀  
如水雞聲肺癰唾膿血氣壅不通喉中熱瘡不得下食俠  
舌縫脉青暴怖氣哽喉痺咽乾欬逆喘急及肩背痛漏頸  
痛○廉泉頷下結喉上舌本間針二分灸三壯主舌下腫  
難言瘰癧涎多欬嗽少氣喘息嘔沫口噤舌根急縮飲食  
難下○承漿下唇下宛宛陷中開口取之針二分灸三壯  
或四十九壯傳四十五日灸多則恐傷陽明脉斷令風不差  
此艾炷止許一分半大主偏風口喎面腫面風口不開口  
中生瘡目眩瞋小便黃或不  
禁消渴嗜飲及暴瘧不能言

右經絡依明堂舊文而修以七字為句註中治法悉依  
銅人針灸經其針灸深淺多少遵素問原未載者不敢



強註

十五絡脉

絡穴俱在兩經中間乃交經過絡之處十一經絡周流迭運榮於肢節另有三絡陽

蹻絡陰蹻絡脾之絡是也此與形色問症出醫經小學

手太陰絡為列缺手少陰絡即通里手厥陰絡為內關手  
太陽絡支正是手陽明絡偏歷當手少陽絡外關位足太  
陽絡號飛陽足陽明絡豐隆議足少陽絡為光明足太陰  
絡公孫寄足少陰絡名大鍾足厥陰絡蠡溝配陽督之絡  
號長強陰在絡乃會陰地脾大絡芳稱大包十五絡穴君

須記



奇經八脉

督脉起自下極俞並於脊裏上風府過腦額鼻入斷交為

陽脉海都綱要脉督之為言都也陽脉都會男子之主任脉起於中極底上腹

循喉承漿裏陰脉之海妊所謂生養之源衝脉即氣冲乃女子之主胃脉發源

出胞循脊中從腹會咽絡口唇女人成經為血室脉並少

陰之腎經與任督本於陰會督任氣冲三脉並起而異行皆始於氣

冲二一原而分三岐督脉行背而應乎陽任脉行腹而應乎

陰衝脉自耳至頭若衝衝而直行於上為十二經脉之海

總領諸經氣血也三脉固起於氣冲氣陽蹻起足之跟裏

循外踝上申入風池脉行於背為陽陰蹻內踝照海循咽嗑脉行於腹為陰



騰者捷也言此脉之行如足之捷也本足陰陽脉別支諸陰交起陰維脉發

足少陰築實却諸陽會起陽維脉太陽之郄金門是也維持

維持諸陽陰維持諸陰陰陽不相維則悵然失志不能自  
收捨主持其身故陽維病屬表多寒熱陰維病屬裏多心  
痛○陽維所發別于金門以陽交為郄與手足太陽及陽  
脉會于肩俞與手足少陽會于天窵及會肩井與足少陽  
會于揚白上本神臨泣正營關空下至風池與督脉會于  
風池亞門此陽維之脉起于諸陽之交也陰維之郄曰築  
實與足少陰厥陰會于府舍期門又與任脉帶脉周回季  
會于廉泉天突此陰維起于諸陰之交會也

肋間於季肋即章門脇下接腰骨之間回繞周身總束諸脉如束帶然起會於維道足少陽

臟腑筋骨髓氣血脉交相維系順其常此奇經八脉相連相會維系諸經乃

順其常八脉隆甚入於八脉之溢橫流却不還流於諸經故十二經亦不能拘制因此受邪畜熱則為瘡瘍熱毒當



以發刺也經云腑會中脘穴臟會章門穴筋會陽陵泉穴  
髓會絕骨穴血會膈俞穴骨會大杼穴脉會太淵穴氣會  
臍中穴此八  
會之穴也

### 奇經主病

奇經病非自生蓋因諸  
經溢出而流入之也

陽維之病苦寒熱陰維之病苦心痛陽蹻之病陽急而狂  
奔陰蹻之病陰急而足直衝病則氣逆而裏急督病則脊  
強而折腰任病則男疝而女帶瘕帶病則腹脹滿而腰溶  
溶其衝任二經是又婦人乳血月候之所從出男女之異  
正在此處  
奇經之脉其如是乎

### 經絡



臟腑總論

先儒嘆世人務窮天地萬物之理不知中一身五臟六腑毛髮筋骨之所有此醫者中

臟者藏乎也藏諸神而精氣流通也腑者府庫也出納轉輸之謂也臟腑兄弟也同氣而異形耳素問曰五臟者藏精氣而不瀉故滿而不能實六腑者傳化物而不藏故實而不能滿所以然者水穀入口則胃實而腸虛食下則腸實而胃虛故曰實而不能滿滿而不能實也難經曰呼吸出入與肺吸入腎與肝呼吸之間脾受穀味言心肺在上為陽肝腎在下為陰脾居中州而播敷四臟以為一身之運幹也又曰五臟六腑皆相近而心肺獨與大腸小腸相遠



者何也經言心榮肺衛通行陽氣故居在上大小腸傳陰  
氣而下故居在下所以相去而遠也觀素難所論臟腑分  
陰分陽而脾胃其中之太極矣乎至於氣血多少體用上  
下亦不可以不知詩曰多氣多血經須記手經大腸足經  
胃多氣少血有六經三焦膽腎心脾肺多血少氣心胞絡  
膀胱小腸肝所異病值氣血少者此事難知曰天六腑氣  
表其體在上其用在下膽胃膀胱大腸小腸地五臟血裏其體在下  
其用在上耳目鼻言陰陽互相為用則天氣左旋而下降地  
氣右旋而上升氣血和表裏靜上下通如天地之泰然人



身其小天地乎。

氣為陽象天左旋血屬陰象地右旋血從氣行其體靜而不動故氣血如磨形上轉

而西下安不動雖云不動自有東行之意以其上動下靜不得不爾也。

以聲色臭味常變言

之肝主色

於面也經言小腸謂赤腸大腸謂白腸膽謂青

腸胃謂黃腸膀胱謂黑腸言腑病當與色相合也又言赤脈青脈黃脈白脈黑脈者言脈與色亦當相合也觀色為

醫家大自入為青入心為赤入脾為黃入肺為白入腎為

務如此黑假如中風肝為心邪則知色當赤也心主臭

應夏火能焦物五臭

皆心所主自入為焦臭入肝為臊臭入脾為香臭入肺為腥臭

入腎為腐臭假如心經傷暑則知其症當惡臭也脾主味

應季夏味自土生行五味自入為甘入肝為酸入心為苦以養五臟者脾所主也



入肺為辛入腎為鹹假如飲食勞倦以致脾邪入心則知

當喜苦味也肺主聲應秋金之有聲也自入為悲金氣肅

殺妻入肝為呼金勝肝故入心為言火剋金故入脾為歌母見字則

禁而歌入腎為呻子見母則假如傷寒肺邪入心則知

當謔言妄語也腎主液應冬水性濡潤五液自入為唾腎

骨則腎之液入肝為泣入心為汗入脾為涎入肺為涕假

如中濕為腎邪入心則知當汗出不可止也以主病要略

言之三陰之脉榮於臟三陽之脉榮於腑陰陽和而無關

格之患惟五臟不和則氣滯而為九竅不通六腑不和則



榮聚而為癰疽

九竅耳目口鼻為陽，七竅大小便為陰，二竅蓋肝氣通於目，目和則知白黑，心氣通

於舌

舌和則知五味

脾氣通於口，口和則知穀味，肺氣通

於鼻

鼻和則知香臭

腎氣通於耳，耳和則知五音，五臟不

和則榮衛不通

邪氣不得外泄

故九竅壅滯，九竅既滯，則

六腑陽氣亦不得通和於內，內外不通，故留結為癰疽瘡

癰蓋邪在六腑則陽脉不和而氣留在內則陽氣太盛而

陰氣不得相榮於下故曰關凡外感是動氣病而下竅不

利者皆關之類也邪在五臟則陰脉不和而血留在內則

陰氣太盛而陽氣不得相榮於上故曰格凡雜病由血所

生而上竅不利者皆格之類也

經言是動者氣也所生者血也邪在氣氣為是動邪在

在血血為所生蓋氣先中於邪則留止不行而為邪所動氣既受邪必傳與血則血壅不行而不能潤澤經絡病所



由生是知氣先病而血後病也但外感從氣而入雜病從血而出此又東垣獨得之見冊溪堂分爲十二經歌括今悉纂於後修分故不重錄陰陽俱甚陰中無陽陽中無陰陰陽相離使

榮衛否塞氣血不相營運此則五臟六腑皆受邪也故曰關格關格者不得盡其命而死關格其百病之關鍵矣乎病有咳嗽泄瀉痛瘡者何也人與天地相參故五臟各以一時感於寒則受病微則爲咳甚則爲泄爲痛春則肝先受之夏則心先受之餘倣此瘡者間日一發瘡者一日一發臟腑也瘡各不同當隨所狀而刺之刺後病有積聚者何也積者五臟所生其始發有常處其痛不離其部或上或下或左或右



或聚者六腑所成其始發無根本其痛無常處上下傳積

者陰氣聚者陽氣故不同也凡陽病欲得寒冷又欲見入

者屬腑陰病欲得溫熱又欲閉戶獨處惡聞人聲者屬臟

然臟病所以難治者傳其所勝也假令心病傳肺肺傳肝

肝傳脾脾傳腎腎傳心一臟不再傳故言七傳者死腑病

所以易治者傳其所生也假令心病傳脾脾傳肺肺傳腎

腎傳肝肝傳心是子母相傳周而復始如環無端故言生

也經曰邪氣之客於身也以勝相加至其已所生而愈至

其已所不勝而甚至於所生已而持自得其位而起病在肝愈



於夏夏不愈甚於秋秋不死持於冬起於春禁雷風肝病者愈在丙丁不愈加於庚辛庚辛不死持於壬癸起於甲乙肝病者平旦慧夜半靜退○病在心愈於長夏長夏不愈甚於冬冬不死持於春起於夏禁溫食熱衣心病者愈在戊己戊己不愈加於壬癸壬癸不死持於甲乙起於丙丁心病者日中慧夜半甚平旦靜○病在脾愈於秋秋不愈甚於春春不死持於夏起於長夏禁溫食飽食溫地濡衣脾病者愈在庚辛庚辛不愈加於甲乙甲乙不死持於丙丁起於戊己脾病者日中慧日出甚下晡靜○病在肺愈於冬冬不愈甚於夏夏不死持於長夏起於秋禁寒飲食寒衣肺病者愈在壬癸壬癸不愈加於丙丁丙丁不死持於戊己起於庚辛肺病者下晡慧日中甚夜半靜○病在腎愈在春春不愈甚於長夏長夏不死持於秋起於冬禁犯燥煖熱食溫灸衣腎病者愈在甲乙甲乙不愈甚於戊己戊己不死持於庚辛起於壬癸腎病者夜半慧四季甚下晡靜

脈不可言間甚之時死生之期也

必先知經脈自其補瀉然後知病脈



言之外感內傷病有虛實賊微正五邪之分從後來者爲  
虛邪從前來者爲實邪從所不勝來者爲賊邪從所勝來  
者爲微邪自病爲正邪假令心病傷暑得之爲正邪中風  
得之爲虛邪飲食勞倦得之爲實邪傷寒得之爲微邪中  
濕得之爲賊邪是之謂五邪也憂愁思慮則傷心形寒飲  
冷則傷肺怒氣逆上而不下則傷肝飲食勞倦則傷脾久  
坐濕地強力入水則傷腎是正經自病也虛則補其母實  
則瀉其子假如肝乃心之母心虛當補肝脾乃心之子心  
實當瀉脾餘經臟倣之是以五補五瀉爲方之祖與心虛



安神丸肝腎虛氣丸脾虛益黃散肺虛阿膠散心熱單  
瀉心湯導赤散肝熱瀉青丸脾熱瀉黃散肺熱瀉白散腎  
熱瀉腎湯後之抑又聞腑有五臟有六有九者何謂也腑  
補瀉方皆推此有六者謂三焦為外腑也上焦者在心下胃上口主內而  
不出其治在膻中中焦者在胃中脘不上不下主腐熟水  
穀其治在臍兩傍下焦者在臍下當膀胱上口主分別清  
濁出而不內以傳道也其治在臍下一寸故曰三焦是腑  
之所以有六也臟亦有六者謂腎有兩臟左為腎右為命  
門命門者精神之所舍也男以藏精女以繫胞其氣與腎  
相通故言臟亦有六也

華氏謂自喉嚨以下六臟以應天氣肺之系也自咽門已下六腑以



應地氣胃之系也前喉內氣臟有九者神藏五肝藏魂心  
後咽內食有謂三管者非

藏神脾藏意肺藏魄腎藏精與志以其皆神氣居之故曰

神藏五也形藏四一頭角二耳目三口齒四胃中以其如

器外張虛而不屈伸以藏於物故曰形藏四合之則為九

臟矣或疑氣衝為腑古人議論最活他如內經又言骨髓

骨髓膽女子胞六者名曰奇恒之府胃大小腸三焦膀胱

五者名曰傳化之府此皆不能久留輸瀉者魄門亦為五

臟使水穀不得久藏又頭者精明之府頭傾視深精神將

奪矣背者胃中之府背曲肩隨府將壞矣腰者腎之府轉



挂不能腎將遺矣膝者筋之府屈伸不能行則僂附筋將  
遺矣骨者髓之府不能久立行則振掉骨將遺矣得強則  
生失強則死是臟腑之散殊如此然豈無其要乎經曰凡  
十一臟皆取決於膽蓋風寒在下燥熱在上濕氣居中火  
獨遊行其間以主榮衛而不息火衰則爲寒濕火盛則爲  
燥熱故曰中正之官決斷出焉噫鼠膽隨人神所在象膽  
隨斗柄所指物亦且然而況於人乎人之所以靈於物者  
心乎神乎至尊至貴至清至淨其十二官之主乎故曰心  
靜則萬病息心動則萬病生



臟腑條分

心君臟也神明居焉

心者一身之主君主之官有血肉之心形如蓮花居肺下肝上是也

有神明之心神者氣血所化生之本也萬物由之盛長不  
着色象謂有何有謂無復存主宰萬事萬物虛靈不昧者  
是也然形神亦恒相因赤色小理者心小小則安邪弗  
能傷易傷以憂相理者心大心大則憂不能傷易傷於邪  
無謂弱弱者心高心高則滿于肺中悅而善忘難開以言弱  
弱小短舉者心下心下則藏外易傷於寒易恐以言弱弱  
長者心堅心堅則藏安宇固弱弱小以薄若心脆心脆  
則善病消痺熱中弱弱直下不舉者心端正心端正則和  
利難傷弱弱倚一方者心偏傾心偏傾則操持不一無守  
司也凡心之病皆因憂愁思慮而後邪得以入之此聖人  
所以無干  
七竅三毛星應感台斗  
營感南岳火星七孔以  
應北斗七星三毛以應  
三合故此心至誠則帝宰無所不應之此上智聰明之人  
也中智五竅三毛下智二竅一毛常人二竅無毛愚人一



竅下愚，一小竅無竅，則神無出入之門。○心應南方，炎感星，肝應東方，歲星，脾應中岳，鎮星，肺應西方，太白星，腎應

北方，十有二兩，系通肺葉，關元。然以同身寸法秤量，故也。

五臟系通於心，心通五臟，系心之系與五臟之系相連，輸其血氣，滲灌骨髓，故五臟有病，先于其系，上系於肺。

其別者，自肺兩葉之中，向後通腎者，腎自腎而之於膀胱，內膀胱與膀胱膜絡並行而之，渡溺處，乃關元下極部分。

主血而外，脈古盛則榮髮華面。人身動則血行於諸經，靜則血藏於肝，臟故肝為血

海，心乃內運行之是，心主血也。○舌者，心之苗，故外應舌，舌和則知五味，○髮者，血之苗，血盛則髮潤，○心榮色其

華在面，所惡熱而所喜靜，衰則懶語，錯言。心本熱，虛則寒，耳

惡濕，肺惡寒，腎惡燥。○心靜則安心動則爆，延年不。丙丁

老心靜而已。○人年六十，則心氣衰而多錯忘。傷風，顛癇嗜臥，脉痿。丙子，日傷於風者，為心風，其狀多汗，惡風，唇焦赤，剥皮甚，則言不可快，嗜



卧而為驚痛神亂善怒嚇人○心之風為行痺五痺以夏  
遇之則為脉痺膝腕屈伸如折腰筋縱緩不能任用於地  
或疑下體肝腎所主孰不知心火內燔陰上隔陽下不守  
位肝腎亦隨火炎而筋脉上逆也○又心痺則脉不通利  
心下鼓滿喜噫之以出其氣上氣喘急嗌乾氣逆則生恐  
懼○或問丙丁傷風不亦泥歟曰此陰陽自然之妙也春  
甲乙傷風為肝風秋庚辛為肺風冬壬癸為腎風四季戊  
己為脾胃風推之南風舍於心則為心風東風肝西風北風  
皆此義也

庚辛滯氣伏梁繫痛生煩

腎病傳心心當傳肺肺秋旺旺者不受邪心復欲還

腎腎不肯受故留結為積故知伏梁以秋庚辛日得之其  
積形有似手臂而在臍畔繫係伏而不動如屋之棟梁然  
久不愈令人煩熱則火炎喜笑而口糜目黃咽瘡甚則  
而悶或夜眠不安

狂獨無汗流衄

笑者火之象也心實則笑心虛則愁口糜者口瘡糜爛也目黃者濕熱薰蒸也咽瘡

者手少陰之正別入於淵腋兩筋之間屬於心上走咽喉  
出於面合目內眦此為四合也證語發狂熱則神昏而亂



渴者火盛則腎液乾而咽路焦汗為心液熱則無汗得汗則腎水平而皮潤火不受尅矣血乃心主熱通上為虛則為衄為唾比熱者願虛則神昏夢飛而健忘驚悸不樂甚必先赤當預防之

則胸腹腰脇痛牽

心實則夢可驚可怖之事虛則魂夢飛揚氣逆於心則夢立山烟火健忘

失記驚悸不安心內懊懣不樂皆心血少也○胃腹腰脇相引痛者手心主厥陰之脉從胃中出屬心胞下膈歷絡

三焦其支別者循胃出脇心血滯經閉可治女子不月多系下膈經水不調故病如是也

暴憂思慮以致心氣不足而後血冷痰真痛難援真心痛滯不行不治其血而通其心可也

手足俱冷痰壅乃水過火必死○已上風氣血熱虛寒華氏丹溪之法有非本臟病而兼見者何故蓋五臟病邪

自相互入即如心風症為癰者肝風入心也為頭重嘔吐者脾風入心也為咳嗽唾衄血者肺風入心也為眼旋生

花者腎風入心也心氣症為脇痛伏梁者肝氣入心也為背膊妨悶者脾氣入心也為胸背痛短氣夜卧不安者肺



氣入心也為痰癖面黃者腎氣入心也心熱症為舌乾少  
睡者肝熱入心也為目黃惡心者脾熱入心也為嘔逆喘  
氣生瘡者肺熱入心也為顛狂骨煩者腎熱入心也心冷  
症為吐酸手足冷心痛者肝腎冷入心也治為痰冷吐瀉  
者脾冷入心也為悲思不寐者肺冷入心也心虛症為驚  
悸不欲聞人語者肝虛入心也為食了旋飢心中往往多  
熱驚臥者脾虛入心也為悲思鼻塞驚怖者肺虛入心也  
為四肢無力多汗者腎虛入心也舉此心臟為例餘可類  
推

涼以犀角生地牛黃溫則歸方吳萸肉桂蒼朮白朮

瀉以黃連苦參秦艽補則遠志菖蒲茯苓神龜子天門冬麥門

冬○編註藥性補用酸棗仁天竺黃金銀屑麥門冬遠志  
山藥紅花川芎羚羊角當歸瀉用枳實亭藎苦參貝母半  
夏杏仁鬱金玄胡索前胡黃連木香溫用石菖蒲霍香蘇  
子京以竹葉丹砂礞石玄明粉牛黃珍珠麥門冬鬱金東  
連知母貝母連翹蘆根柴胡○內照又分風氣熱冷虛用  
藥大驚風宜涼藥為主兼以溫瀉氣宜溫瀉並用熱則純



用瀉藥冷則純用熱藥虛  
則純用補藥各臟皆然  
吁黍非非李每食宜設其穀黍

心病宜食酸小克  
大肉李非皆酸  
早夜懽樂夏氣常存  
夏三月天氣氣交  
夜卧早起無厭於

日使志無厭  
長養之道也

小腸上接胃口受盛其糟粕傳化下達膀胱廣太腸泌別

其清濁宣通  
小腸者受盛之官化物出焉凡胃中腐熟水穀其滓穢自胃之下口傳入於小腸上口自

小腸下口泌別清濁水入膀胱  
居臍上而長三丈二尺脈紆

則結曲左迴疊積十六而大二寸有四形小難容口乃小

腸之上口臍上一寸水分穴則小腸下口受穀二斗四升

水六升三合合之大半但腸有厚薄大小之分從臍短之  
諸陽經脉皆紆曲小腸氣結皮厚者脉厚脉厚者小腸厚  
皮薄者脉薄脉薄者小腸薄皮緩者脉緩脉緩者小腸大



而長皮薄而脈冲小者小腸機發心極小腸與心相應所

小而短小短者則所容差小常以二便由心所主病則不能從令候在人中人配天地為三才以面部言

人得陰陽交泰其位居中故曰人中虛者唇青下白臍疼痛而成痢成疝者屬氣下

疝痛赤白痢小腸病氣連腰脊控羣九而疼皆心氣入小腸也腸激鳴而為淋為秘者屬

風二腸鳴作聲或時激痛小便五種淋瀝或熱入口渴生瘡

火逆嘔脹有異逆入胃而為嘔噦小使不通中滿腹硬脈

急不急不作渴者未可以急不淡急不虛陷遺精懊憹隱曲帶濁相同虛

入小腸者神魂恍惚狂亂夢中遺精男子赤白濁婦人赤

白帶或陰中瘡瘍隱曲不利皆宜清上固下未可以大寒

大熱峻冷凝水穀不化寒入下焦腸痛血滯肩頰腫紅則為頭疼



咽痛シラヘイ頰腫不可顧肩如接腫似折タリシ血補以牡蠣石斛コウヲハ溫則コウヲハ

巴戟ユキ小茴ウイキョウ角ツノ烏藥ウヤク涼以茅根セウ通草ツウソウ黃芩ワウジン瀉ハナ則ハナ金破キンハ荔リ

核カイ白慈ハクジ續シツ隨ズイ子シ降カウ火邪カハ二使ニシ自順ジジュン炎エン水スイ分フン一陽イチヤウ遂充ズイチュウ

肝カ者將軍之官謀慮出焉コリ而能斷故曰將軍ト儲セ罷極之ハ

本魂所居也ト人身運動皆筋力所為肝カ養筋故曰罷極之ハ

相ソウ兩分ニ七葉シ色象シ春木ハルキ繁榮ハルキ肝有ニ二大葉ニ一小葉ニ左サ三右サウ

之多葉也ナシ叔和云實夢スサハ四片シ四兩シ沈重シ庚金ケイキン吸射シツ肝重カ四シ

山林シヤンリン樹ジュ虛キョ者シヤ細草シヤウソウ芒マウ難日ナニ肝得水而沈カ木得水而浮キ肺得水而浮フ金得水而沈シ

其意何也肝非純木乙與庚合而吸其微陰之氣其意榮ニ金故令肝得水而沈也肺非純金辛與丙合而就火其意ニ榮火故令肺得水而浮也肺熱而復沈肝熱而復浮者何ニ



也故辛當歸庚乙當歸甲也

# 連膈膜而形有軟堅

肝之系者自膈下著右脇肋上貫膈入肺

中與膈膜相連也筋脉皆肝所主如青色小理者肝小肝

小則臟安無脇下之病和理者肝大肝大則通胃迫咽苦

膈中且脇下痛廣胸反散者肝高肝高則上支貴切脇悅

為息貴合脇免散者肝下肝下則通胃脇下空易受邪胃

脇好者肝堅肝堅則臟安難傷脇脊弱者肝脆肝脆則善

病消瘴易傷膈腹好相得者肝端正肝端正則和利難傷

脇腎偏舉者肝偏傾各血海而歸於暮夜肝藏血故名血

肝偏傾則脇下痛也常想其身大不足常想其身狹小書則運行眼受血能視

足受血能步掌受血能握指受血能攝夜臥則血歸於肝

如有謀慮不決肝虛為他臟移熱則妄行於口鼻或為便

溺乃肝不藏血也又思色不遂意淫於外入房太甚宗筋

弛縱發為筋痿及為白淫故經曰筋痿風動筋脉蹇縮肢

者生於肝使內也又轉筋亦肝所主也

## 滿不便癰疽

肝之合筋也凡外瘡發於筋脉者皆肝氣逆所主也經曰脾移寒於肝癰腫筋攣



頭頂眩痛積肥杯覆脇縛有所太怒氣上而不下氣逆於上則頭痛眩暈積於脇則為肥

氣突出如肉肥盛之狀也難曰肝之積名肥氣在左脇下

如覆杯有頭足久不愈令人咳逆癰瘕連歲不已以春夏

戊巳日得之何以言之肺病傳肝肝當傳脾脾季夏適旺

旺者不肯受邪肝復欲還於肺肺不肯受故留結為積小

兒多有熱爭目赤驚狂脇疼肢躁為疳癪經絡雖已受熱本臟猶未受邪

此病日爭肝血熱則目赤腫虛則眼前生花肝性靜熱則狂言

多驚駭四肢躁擾此不得安肝熱鬱則脇痛小腹壅塞囊

痛者名癪疳肝經虛則關節不利腰連脚弱多懼怕血虛則遇

濕熱為疳之本也

身關節不利甚則筋骨踈痿血枯則腰疼脚弱挾

濕熱者膝腔痠痺血不足則多懼有餘則多怒

至聞腥有病胃脇支滿者妨於食食至則先聞腥臊臭氣

名血枯此得之年少時大脫血若醉人痰冷遺溺吐瀉則

房中氣竭肝傷故月事衰少不來也

痰冷遺溺吐瀉則

房中氣竭肝傷故月事衰少不來也



痰涎胃滿吐清水惡食鮮菜甚則遺補以木瓜阿膠川芎

弱不禁或為洞瀉凡冷症皆難治人參沙參薏苡仁五加皮酸瀉必青皮芍藥柴胡前胡青

棗仁艾實胡黃連草龍膽犀角萎蕤款冬涼以醫甲菊花草決明車前溫必木香肉

范吳黃秦皮桂半良肉豆蔻陳皮縱怒過勞病之源被髮殮麻勿任霸

春三月宜夜臥早起被髮緩形生而勿殺賞而勿罰此春氣之應養生之道也逆之則傷肝肝者東方所用之糧也

肝病宜食麻與米牛肉棗葵味皆甘也不拘何月得病宜體春氣以養之

異哉膽也無出入竅而附於肝之葉間水色金精名清淨

府而避乎胃之私汚膽者金之精水之色其色玄其形如懸瓠其神為龜蛇無出入竅附肝之

短葉間不同六腑傳藏精汁合而驗五爪青紅而膽應八化而為清淨之府



肝故爪厚色黃者，膽厚爪薄，色紅者，膽薄，爪堅，色青者，膽急，爪濡，色赤者，膽緩，爪直，色白無約者，膽直，爪惡，色黑多，絀者，行榮衛而重三兩，要數，榮衛雖主於肺，而其流行，則膽結，又主於膽也，故膽氣始於子

二云，膽重三兩，三銖二銖，是今之一錢二分半也，氣痛心脇，膊項不使，或髮燥體枯

面塵，是少陽之正，繞解入毛際，合于厥陰，別者入季脇之

散于面，繫目系，合少陽于外，背故氣病如是不使者，肝循陰盤上貫膈絡，故兩肢滿不得小使也，髮燥者，膽有怒火

也，膽合膽脫上榮毛髮，風氣盛則焦燥，汁竭，風攻頭眉耳，則枯身，體面色蒙塵者，氣滯則榮衛道溢也

目多傾或顛，癩吐沫口苦，少陽脉上抵頭角，下耳後，循項

目銳眦腫赤，風甚則癰癰，熱壅鼻淵咽腫，食亦癢，難

行，入移易而過不生，肌膚赤者，易也，癢癢坐不能起者，熱



則筋縮足少陽之別曰光  
明去躁上五寸故主之  
虛怯昏淚不眠善恐如人將捕

人數謀慮不决故膽氣虛而益為淚疾者類也膽受水氣  
與坎同位眼亦水也人小悲則淚出者水得火而煎陰必

從陽故悲則淚出老人膽汁堅突則無淚笑則有淚火盛  
水虧也故膽熱者亦流淚熱則多眠虛則不眠獨卧神無

所附尤生驚畏善太息冷不食菜酸水痛悶左邊五肋之  
恐如人將捕或夢細草

中血瘀生癰馬力兩腋缺盆之路補以胡黃連龍膽通  
膽皆之路

瀉必青皮柴胡連溫以橘半生姜橘皮半涼必黃連竹茹  
夏用苦

胡公直果斷自降衷斷出焉人稟剛正果斷直而無疑無  
私者膽壯膽安神資藥餌所稟怯者參朮丸朱雀

氣正也壯膽安神資藥餌所稟怯者參朮丸朱雀  
九亦可資助以全膽氣

脾鎮黃庭磨水穀以養四臟黃脾色庭中也脾居中脘一  
寸二分上去心三寸六分下



去腎三寸六分中間一寸二分名曰黃庭在天為太陽在地為太陰在人為中黃祖氣脾氣壯則能磨消水穀以榮

養四

職兼諫議卻生硬以輔心君

脾本倉廩之官五味出焉飲食入人之太欲凡生

冬堅硬之物心所欲食而脾不能化則不敢食故中理五

又名諫議大夫誤食者留而傷脾甚於傷氣也

氣運布於體面

脾居於中和合四象中理五氣運布水穀

肥滿脾絕則腎之大肉去矣

上應兩眉榮通乎口唇

脾神上通兩眉間明堂穴內一寸脾

裹血主藏榮上通於口而短五味其華在唇黃色小理者

脾小脾外則臟安難傷於邪粗理者脾大脾大則苦溲眇

而痛不能疾行揭唇者脾高脾高則眇引季脇而痛唇下

縱者脾下脾下則下加於太陽臟苦受邪唇堅者脾堅脾

堅則臟安難傷唇大而丕堅者脾脆脾脆則善病消瘕易

傷唇上下好者脾端正脾端正則利難傷唇偏舉者脾

偏傾脾偏傾則

扁似馬蹄廣三寸而長有五寸

形扁如馬蹄又如刀

善脹善滿也

運



鑰膜連胃府重二斤而散膏半斤

脾之有大絡其系自膈下正中微着左脇

於胃之上與胃胞絡相附其胃之包在脾之上與胃相並結絡周回漫脂遍布上下有二系上者貫膈入肺中與肺系相並而在肺系之後其上即咽門也咽下胃脘也胃脘下即胃之上口也其處謂之賁門者也水穀自此而入胃以胃出穀氣傳之於肺肺在膈上因曰賁門其門膈膜相貼之間亦漫脂相包也若胃中水穀腐熟則自幽門而傳入於小腸故言太倉之下口為幽門也

氣痛膨脹水腫久

散膏主裹血各臟血脉皆其所主也

則右臍有痞

氣滯則心腹痞痛膨脹水腫痞者痞塞不通脾之積名痞氣在胃脘大如覆杯以冬主矣

日得之何以言之肝病傳脾脾當傳腎腎以反適旺旺者不受邪脾復欲還所肝不肯受故留結為積久則四肢不收發為黃疸或為消風羶癰痰肉蠕輕則四體不勤

輕則怠惰

重則癰瘕皆脾精不行陰道不利筋骨肌肉無氣以生故不用焉肉屬脾脾受風濕則衛氣不榮而肌肉蠕動或癢



痺不仁謂之肉痿經曰肉痿者得之濕地也又曰脾熱者色黃而蠕動也肥甘熱泛口瘡舌強

中消發疽唇燥口瘡舌根強痛此肥甘之發也食肥則脾

氣和緩而發散逆故甘令人中滿然內熱則陽氣炎上炎上則飲飲而溢乾中滿則陽氣有餘有餘則脾氣上溢故

其氣上溢轉為消渴蓋脾熱則胃酒色虛筋緩腸癖吐

瀉轉筋凡脾虛則夢飲食虛則夢取實則夢與得其時則

陰氣虛則陽氣入而胃不和前陰乃太陰陽明之所合胃

既不和則精氣竭而四肢不榮矣醉飽入房則氣聚脾中

不得散酒氣與穀氣相薄熱盛於中故遍於身內熱而潮

赤也羸瘦者能食不生肌膚乃大腸移熱於胃亦名食易

節緩者脾之大絡名曰大包出淵腋下三寸布脅脇實

身體盡瘠虛則百節盡皆縱緩此脾若羅絡之血者皆取

之脾之大絡脉也凡此十五絡者實則必見虛則必下視

之不見求之上下人經不同絡脉異所別也腸癖者腎虛



精氣內消下焦無主以守持乃移熱於脾脾虛不能制水而受病久為羸損腸癰除而氣不禁止者死吐瀉轉筋者飲食傷風血瘕瘕而卧立皆倦血瘕瘕為瘕瘕令人手足不棄土也

冷而痰飲宜分凡脾胃病手足冷而不渴者補以參芪苓

茯苓白朮甘草蒼朮陳皮半夏蓮肉芡實山查扁豆麥芽滑石山藥白芍乾姜大腹皮升麻柴胡枳壳人參黃

芪瀉必巴稜枳壳巴豆三稜赤芍亭蕪涼以枳連滑石山

黃連熟干角甘草白芍連溫必香附砂仁乾姜生薑木香

胡椒附子良姜紅豆蔻豆栗藿豕宜於病大豆豕肉栗

宜飲食歌樂養其真凡脾病皆因飲食勞倦致虛而後邪

宜調節或歌樂鼓動脾氣以養真元



胃號太倉俗呼為肚無所不容上透咽門管而受其所吞

曲接小腸而傳其所腐容三斗五升而留亦如之水穀

斗五升其中常留穀一斗水一斗五升平人日月至圓一

行二升半日中五升七日五升三斗五升而水穀盡矣故

平人不飲食七日而死長一尺六寸而大一尺五寸重一

斤十兩形驗於臍而厚薄不同臍者肉之標即肚皮也脾應

四兩形驗於臍而厚薄不同肉肉臍堅大者胃厚肉臍

者胃薄肉臍小而腹者胃不堅肉臍不稱身者胃下胃下

者下管約不利也肉臍不堅者胃緩肉臍無小裏累者胃

急臍肉多者裏累者胃結氣通於口而脉息是生五味入

胃結者上管約不利也胃以養五臟氣氣口亦太陰是以五臟六腑之氣味皆出

於胃變見於氣口氣口在手魚際之後所候脉動者是手

太陰脉氣所行故清升濁降六腑大源食化飲消五臟安

言氣口亦太陰也



堵胃中清氣升則濁氣降飲食消化則百病不生五臟調和安然而堵是胃主陽氣發生而為六腑之源也意至

濁之中而有風中口咽喉痺頸汗膈塞腹大或時目黃目

泣胃脘起於鼻交頰中循鼻外入齒縫還出俠口環唇下

裏至氣衝而合故病如是內經曰胃風之狀頸多汗惡風

飲食不下鬲塞不通腹善滿失食則腹脹食寒則泄形瘦

而腹大是也目黃者人肥風氣不得外泄則熱中而上蒸

於目變黃色目泣者人瘦腠理開風得外泄則寒中而目

淚自氣逆喘急不卧食脹妨悶嘔噦或時痛心痛乳者陰

氣下而復上上則邪客臟腑為水而喘又曰陽明盛則喘

而惋惋則惡人不卧而息有音者陽明氣不得從其道故

胃不和而卧不安且息有音也脹滿妨悶者腹屬脾絡胃

故病則妨悶喫食則脹滿如十一月鼠子萬物氣皆藏於

中也得後與氣則快然如衰者陰氣衰而陽氣將出也嘔

者陽明病氣至則善嘔嘔已乃衰按寒則嘔腥水按風則



嘔吐水者，發熱則嘔，酸水也。噦者，其人舊有寒氣，因穀氣入胃，上注於肺，寒氣與新穀氣相攻，相并復出於胃，而為乾噦也。心痛者，氣鬱胃脘，當心而痛也。乳痛者，陽明主乳房也。

熱惡欠氣，人聲，肢腫，口渴。

流涎甚，則登高發狂。

發狂踰牆上屋者，陽盛則能升，高也。經曰：陽明之盛，則棄衣欲走，噦腹滿。

不得臥，面赤而

虛惡木音，呵噫腹嚮脛枯甚，則身躄腰俯。

熱妄言妄見。

胃主也，虛則聞木音，陽然而驚，聞鐘鼓則不動，土惡木喜。

金也，噦者陰氣上走，入陽明，陽明絡屬心，故曰上走心為噦，所以時時心悶欲食，不喜食來久多也。腹嚮者，腹中穀

穀便溺難多，寒氣也。胃陽虛則陰氣上與陽拒，故脛寒或

腫或括而股不能收也。虛寒者，面目俱浮，骨節皆痛，屈甚

則筋脈解墮，氣不復用，故為身躄也。腰俯者，陽明腰痛，不

可以顧顧而

冷則振寒，鼓頤翻胃吐清。

有見者，善惡。又陰氣虛而陽氣

加之，故洒洒振寒也。翻胃

吐清水不止者，陰敗症也。血瘀鼻衄，腸風，酒瘕，食蠱，血熱



或吐ス胃風在下ニ則為腸風下血シ在下ニ則為面腫酒癥ハ巴豆  
食癥蠱注ス皆胃氣不行而瘀血與痰相結レ而成也

太黃立瀉ト石羔連翹ト煩涼ス瀉用巴豆ト太黃枳殼芒硝硝石ト  
滑石寒水石白朮石斛茅根黃連黃芩乾

葛天花粉升麻紫參山梔松脂竹茹韭汁ト丁香豆蔻ト從溫ニ

白朮山藥最補ト溫用丁香肉豆蔻白豆蔻草豆蔻良姜香  
附生薑木香川芎藿香厚朴益智仁吳萸

辛夷胡椒香薷ト補用白朮山藥蓮肉芡實山查水榮穀ト  
陳皮扁豆麥芽神麴滑石黃芪半夏百合蒼朮ト

衛脾胃相通ト胃為水穀之海脾為消化之器水入於經ニ其  
血乃成穀入於胃脾道乃行故血不可不養

衛不可不溫血溫衛和ト春實秋虛陰陽逆忤ト脾為陰胃為  
榮衛通行ト天合常存ト陽陽脉上行ト

陰脉下行ト陽脉從外陰脉從內ト春夏陽明為實ト為從ト太陰  
為虛ト為逆ト秋冬太陰為實ト為從ト陽明為虛ト為逆ト此脾胃病  
常相更迭ト

而不可定也



肺系喉管而為氣之宗

肺系有三系上通喉嚨其中與心系相通肺之系者自膈正中微

近左脇居胃之上並胃胞絡及胃脘相連貫膈與心肺相通膈膜相綴也一系自心入於肺兩大葉之間曲折向後

並脊脊細絡相連貫通脊髓而與腎系相通腎納氣肺主氣肺主行榮衛為相傳之官治節出焉為氣之本也相傳

如今之形似人肩而為臑之蓋形似人肩又如盤懸於三尚書

斤三兩空空相通六葉兩耳脉脉朝會

重三斤二兩六葉兩耳共六葉下無

竅葉中有二十四空行刻分布諸臟清濁之氣脉氣流經經氣屬肺肺朝百脉輸精於皮毛脉合精行氣於肺

精神明留於四臟氣歸於權衡義配於心肺在德為義心權衡以平氣口成寸以决死生為禮肝為仁脾

為信腎為智然卦象子兌乾心象離肝象震脾象坤腎象

坎膽象巽胃象艮以外象言之則乾為左脚坎為外腎艮為右脚震為右身巽為右手離為頭頂坤為左手兌為左



身然以稟兩儀而生配合八卦大槩如此其實一氣流行  
每于時自左脚心湧泉穴起陽循左足腹脇手而上至頭  
頂顛門午位而止午時自頂門循右手脇腹足而下至  
右脚心而止是坎離為陰陽消息故後天圖獨言之穀  
稻畜馬魄藏於中稻色白為肺之穀馬善圖象金為肺之

肺藏魄肝藏魂魂乃陽之精魄乃陰之精陽動而陰靜魂  
遊而魄守陰陽相濟魂魄相守魂不遊而魄不守陰陽俱  
喪魄不收而魂枯陽亦消亡陰陽宜常相濟故叔和云魂  
將魄共連凡人之夢寐皆魂魄合而成者也肺熱則夢美  
女相依或兵戈相合皮榮毛鼻應於外肺主皮毛上榮於

小理者肺小肺小則少飲不病喘咳粗理者肺大肺大則  
多飲善病胸痺喉痺逆氣巨肩反脅陷喉者肺高肺高則  
上氣有息茲合腋張脇者肺下肺下則居背迫肺善助下  
痛好肩背厚者肺堅肺堅則不病茲上氣肩背薄者肺脆  
肺脆則苦病消癯易傷背脅厚者肺端正肺端正則  
和利難傷肋偏疎者肺偏傾肺偏傾則脅偏痛也氣逆



曾瘧背疼喘呼息賁

肺氣太過則令人喘咳逆氣背痛恤

有起居如故而息有音者乃肺之絡脉逆而不得隨經上

下故也息賁者肺之積名言其或息而或賁起也在右肋

下天如覆杯以春甲乙日得之何以言之心病傳肺肺當

傳肝肝以春通旺旺者不受邪肺復欲還心心不肯受故

留結為積久不已令人

洒筋寒熱喘咳發肺癰風浮涕塞聲重癰疹瘡疥液傷風

則涕流鼻塞聲重其聲哭其志憂故哭則淚出又云肺熱

涕出凡黃涕如膿大如彈丸從鼻中出不出則傷肺肺主

皮毛風盛則熱著咽膈死陰股膝骨痛鼻鼈鼻痔或成淵

生癰疹瘡疥

肺通喉舌候在胃中故熱壅則喉舌腫痛胸膈滿悶死陰

股膝痛為癰瘻者肺熱葉焦也鼻端紫紅粉刺謂之鼻鼈

内生息肉謂之鼻痔流涕不止

止謂之鼻淵皆上熱下虛也

壅極呼吸息微欠伸溺頻肺

痿肺癰或成瘰

肺主氣虛則呼吸少氣不足以息小便頻

數或遺虛甚為相火所乘則咳而見血或

膝



為癆瘵肺

冷時身顫嘔涎

用力顫掉聲嘶氣虛衛冷其也肺脈起於中焦下絡大腸循胃

口上膈屬肺故虛

血燥掌熱乾咳

手太陰之別名列缺於腕上並太陰之經直

寒則善嘔沫也

入掌中故肺經血燥掌心亦

補以參芪阿膠五味

熟乾咳者肺中無津液也

東仁麥門冬車前子百部白膠瓜蒌仁白茯苓

溫必陳皮半夏乾姜

款冬花生薑

木香杏涼以知母瓜蒌桔梗

杏仁蘇子

犀角百部山柝枇杷

瀉必導塵桑皮蛤蚧

防風檳榔枳殼通草澤瀉赤茯苓

冬琥珀輕聲美食自清虛

凡肺病皆因呼吸過度或煎燻酒麪姜椒太過以致虛實見焉

病者宜輕聲緩語以養其氣食

苦菱羊肉杏雞皆苦以潤其燥

風興夜寐防災害



大腸又名迴腸長二丈一尺而大四寸受水穀一斗七升

半迴腸者當臍右迴疊積十六曲魄門上應闌門長二尺徑一寸半受穀一斗水七升半

八寸而大八寸受穀九升三合八分魄門者肺藏魄也又曰廣腸言廣濶於大

小腸也又曰肝門言其處似車鈺形也內經以此為三臟故俗名墜臟熱則重墜或寒出虛則脫下不取受穀九升

三合八分合之一專主出而不納凡腸胃合受水穀八斗七升六合八分合之一闌門者大小腸各受物傳化而相

會於此渾入廣腸水入膀胱關闌分屬故曰闌門肝之重也僅十二兩腸之重也

再加二斤肝門重十二兩太總通於肺而心腎膀胱連絡

系膈肝門亦大腸之下截也總與肺為表裏大小腸之系自膈下與脊脊連心腎膀胱相系脂膜筋絡散布包

裹然各分紋理羅絡大小腸與膀胱外應在皮而氣血津其細脉之中乃氣血津液流走之道



液潤燥不均

肺應皮腹皮厚者大腸厚皮薄者大腸薄皮緩腹裏大者大腸大而長皮急者大腸急而

短皮滑者

大腸直皮肉不相離者大腸結氣血津液調和則大便亦調燥熱則便堅而溢寒濕則便潤而利

和則大便亦調

燥熱則便堅而溢寒濕則便潤而利

搏耳鳴齒痛便血或時飲食不食嘔吐清水

便血有遠近者腸系心腎

膀胱故也

食則嘔吐者肺風傳入大腸之腸中宛轉搏上不欲食食即嘔吐清冷水也

血壅鼻衄目

黃喉痺或時太指次指肩髃痛頻

手陽明脉起太指次指之端循臂臑外上肩髃

之前廉下齒還出口交人中左之右

氣秘腹滿切痛外注

皮膚堅硬

氣滯腸中切痛或鳴腹滿大便秘澁重感於寒當臍而痛即泄不能久立若氣注於外挾痰則

皮膚堅熱秘臍滿口瘡內結痔癰痢驛

依臍滿痛大便不通或喘不能立或

口生瘡皆熱症也溫熱內結則為瘡漏腸癰痢下赤白驛者赤色也

虛則腸鳴身易瘦冷則



滑脫耳難聞

腸氣虛則鳴身枯瘦如鷄皮有鱗虛冷則滑世脫肚耳聾經曰邪冠陽明之絡令人耳聾

時不補以粟壳五倍棕櫚

牡牯木香肉豆蔻蓮肉養子訶子龍骨

瀉必硝黃

續隨桃仁

芒硝大黃續隨子枳壳麻仁石斛檳榔旋覆花樞實巴豆葱白牽牛

温以吳萸人

參姜桂

乾姜肉桂半夏桃花石木香石蜜

凉必參連槐花茅根

黃芩黃連天花粉玄

糖吁水穀變化自然妙

經曰大腸為傳道之官變化出焉難經曰唇為飛門言唇開則

食入如飛也齒為戶門飲食由此而入也咽為吸門言嚥入不得復出也胃為賁門言嚥下賁向於胃也太倉下口為幽門在膈下三寸居於幽暗故名也并闌門魄門合之為七衝門皆水穀變化出入相衝之要路也但水穀清芳甘美運布則為精微腐熟則為食息調燮由於人

腎有兩枚左屬水而右屬火重各九兩右主女而左主男



左右兩枚共一升二兩男以  
左腎為主女以右腎為主  
連脇系心貼脊脊骨畏以脂

膜裏白外紫如江豆相合若環  
腎連脇下對臍形如江

膜中裏白外紫兩腎二系相通下行其上則與心相通而  
為一所謂坎北離南水火相感者也左右氣常相通離養

極者左右相合  
則精不泄矣  
以左言其繫位北水惟慳  
此條專言左腎

以慳為事所以五臟俱  
有補瀉惟腎有補無瀉  
納氣收血化精而為封藏之本  
左

主納氣收血化精司冬之令  
專主收藏故曰封藏之本  
壯志造無成有別號作強之

官  
腎藏志意之所存者謂之志  
精完則志壯志壯則精益  
完故曰精志自相隨造無為有男女交構造化形容容經

日作強之官伎巧出焉  
言精志完而  
強於作用也又男曰作強女曰伎巧  
候在腰而充骨填髓

腎之候在腰其充在骨諸髓皆屬於腰而腎  
實主之  
救神云實夢腰難解虛行溺水溺  
竅於耳而榮



髮駐顏腎大則善病腰痛不可俛仰易傷以邪高耳者腎

高腎高則苦背脊痛不可俛仰耳後陷者腎下腎下則腰

尻痛或為痼疾耳堅者腎堅腎堅則不病腰背痛耳薄不

堅者腎脆腎脆則善病消瘵易傷耳好前居牙車者腎端

正腎端正則和利難傷耳偏高者腎偏傾腎偏傾則苦腰

尻痛也鬢髮顏面皆腎脉所絡陽精盛注於外則鬢髮榮盛面體光潤風旋目眇無見或面

浮咳求而隱曲不利腎風多汗惡風面浮目視眇眇無所見若伏有水氣則目下亦腫名曰風

水不能偃卧偃則咳出清水男子身重難行溺黃女人月

事不行俱謂之隱曲不利風盛者膝脛攣急不能久立氣動饑不欲食或喘急奔豚而脇脊痛酸饑不欲食喘嗽

病也奔豚者腎之積發於小腹上至心下如豚之奔然以

夏丙丁日得之何以言之脾病傳腎腎當傳心心以夏適

旺旺者不受邪腎復欲還脾脾不肯受故留結為積久而

不已令人喘逆少氣竟至於骨髓痿弱矣脇脊痛者腎病



小腹腰脊痛脛酸三日背脊筋痛小便閉三日腹  
脹三日兩脇又痛二日不已死冬太晨夏晏晡  
熱則口

燥舌乾咽痛甚則小腹脹而背亦強  
少陰脈貫腎絡於肺  
系舌本故口燥舌乾

而渴邪尅於少陰之絡令人咽嗌腫痛不可納食腎病則  
太小腹脹痛背痛引心厥心痛引腰者屬腎引脇者屬膽

虛則心懸胃痿齒搖甚則夢泄精而囊亦寒  
腎氣虛心  
懸如鰾善

恐惕惕如人將捕水不勝火則骨枯而髓虛故足不任身  
發為骨痿經曰腎氣熱則腰脊不舉骨枯而髓乾發為骨

痿言虛中有熱也齒者骨之屬腎虛則搖動不固夢泄者  
腎氣虛而下脫或挾火邪也囊寒者腎氣衰也人年六十

氣衰髮墮齒落脛脈空虛七十  
形體皆極九十如樹之有根耳血症口唾腸癖足心熱并

濕必發黃疸  
經曰刻則有血陽脈傷也陽氣未盛於上而  
脈滿漏則刻期故血見於鼻與口也又少陰

不足脈滿病積澁血心熱心風入也黃  
疸者腎虛為濕熱乘之必口淡脚軟是為虛疸冷症胃痺



室縮股內痛并發必熱黑頭骨痺者腎脂髓枯而不痛故

人身寒湯火不能熱厚衣不能溫然不能振慄者肝為三

陽心為二陽腎孤臟一水不勝二火故不能振慄也蓋縮

者腎氣三陰冷則寒弱不舉甚則縮入俗云脫陽症也股

內後廉痛者少陰脈起於足小指走足心循內踝後入筋

中上內廉股內後廉貫脊故也黑顏者冷腎補以熟地枸

杞則精枯不能上注故面黑顏衰肌枯肉瘦

祀鹿茸鐘乳粉龜板龍骨虎骨玉珠子鎖陽山茱萸杜仲

鹿茸山藥知母蓮肉芡實覆盆子桑螵蛸牡蠣小草牛

膝當歸玄參石楠澤瀉茯苓腎本無

合歡五加皮楮實瀉必苦茗猪苓琥珀

邪水邪乾姜肉桂巴戟蒟蘆巴戟

火也溫以沈香兔絲附子

必知母黃柏牡丹皮地骨皮

必知母黃柏牡丹玄參竹瀝

必知母黃柏牡丹吁早卧晚起陽氣復

必知母黃柏牡丹天地開

必知母黃柏牡丹歲早卧晚起必待日去寒就溫無泄皮膚此養藏之道也

必知母黃柏牡丹通之則傷腎四時有腎病者亦宜體此以養微陽凡腎病



皆因快情縱慾失志傷腎過服丹藥華  
陀云陽劑剛強則天癸竭而榮衛涸  
靜坐獨眠藿豆殮

靜坐則腎水自升獨眠則房色自斂藿  
葵黑豆味鹹黃黍雞桃味辛腎病宜食

膀胱上口闊二寸半而盛溺九升九合中廣九寸正而重

九兩二銖無出竅也資氣海以施化府名津液膀胱以虛

液之府有上竅而無下竅得氣海之氣施化受水為津  
則漫使注滿氣海之氣不足則秘隱不通透絕頂也司

升降之消息官號州都經曰州都之應在毛髮系通心肺

驗於皮膚臟屬腎俞腎應骨脊理厚皮者三焦膀胱厚粗

焦膀胱緩皮急而無毫毛者三焦膀胱急毫毛美理薄皮者三焦膀胱薄疎廉理者三  
而粗者三焦膀胱直稀毫毛者三焦膀胱結也風搏頭

疼眼旋目淚惡心筋骨不利氣滯項拔背強腰折尻痛脰



脛尤拘

膀胱脉起於目內眦上額交巔其別者從巔至耳上角其直行者從巔入絡腦還出別下項循肩膊

挾脊揭腰中入循脊絡腎屬膀胱其支前者從腰中下脊貫腎入胸中其支別者從膈內左右別下貫脾挾脊內過

膈抵循髀外後廉下合膈中以下貫膈內出外踝之後循京骨至小指外側端故病如是惡心者膀胱移邪於小腸

故惡聞食臭熱結腹滿而胞塞甚則狂發熱結下焦則小腹苦

塞不得小便冷即多唾而帶下甚則溼餘則為多唾濕痰

下溼則為帶濁甚則小便溼餘或頻數叔和云冷敗則遺尿不知

亦無方血病鼻衄淋瀝痔瘡莖囊腫或被吹陰莖陰囊腫

致血癰小兒多溫以葦莖茹苗香烏藥涼必生地防已地

黃柏防風瀉以車前瞿麥滑石補必橘核

甘草稍防葵

芒硝澤瀉

補必橘核



益智昌蒲

龍骨續斷黃芩

吁寡慾一念真秋右

今以不知吾身自

真藥服假藥十

節飲三盃固尾閭

酒水好停下焦為邪節

字街頭買秋右

命門下寄腎右而絲系曲透膀胱之間

命門即右腎三寄

焦非正腑也命門系曲屈下行接兩腎之系下尾閭附廣

腸之右通三陰之間前與膀胱下口於洩溺之便相並而

出乃是精氣所泄之道也若女子則子宮胞門亦自廣腸

之右膀胱下口相並而受胎故氣精血脈腦皆五臟之真

以是當知精上為心胞而膈膜橫連脂漫之外心胞即命

血來有自矣

厥陰其膈三焦其臟心胞絡其部分在心下橫膈膜之上

豎斜膈膜之下與橫膜相粘其處黃脂漫包者心也其漫

脂之外有細筋膜如絲與配左腎以藏真精男女陰陽收

心肺相連者此胞絡也

分命門為配成之官左腎收血化精運入藏諸命門男以

此而藏精女以此而系胞胎男子以氣為主坎水用事



故蒸氣為精而色白如帶火者精亦能紅女子以血為主  
離火用事故血盈為經而色紅如挾痰氣者經亦能白女  
人屬陰陰極則必自下而上衝故乳房大而陰戶縮也男  
子屬陽陽極則必自上而下垂故陰物垂而乳頭縮也蓋  
陽無形陰有質男子內陽而外陰女人內陰而外陽男子  
背屬陽而腹屬陰女人腹屬陽而背屬陰又男子督脈主  
事自背尾闕行至斷交穴止故血盛者感陽氣而髭鬚生  
女子任脈主事自小腹上行至咽喉而止故不上與陽合  
而無鬚宦官去勢相君火以繫元氣疾病死生是賴之臟  
亦無鬚丁理也

元氣繫焉凡病雖危命脈有神經者生命脈無神者死風則肘臂攣急腋下腫紅支脈  
循臂出脇下腋三寸上抵腋腋下循肅內行氣則胃膈支  
太陰少陰之間入肘中下臂行兩筋之間  
結脇不舒泰三焦故病有臂痛及息賁者熱逼五心煩

而目赤善笑溲便亦難故也虛之四體軟而頭旋耳痛精



力不銳火衰則土不運而四體若無骨然頭旋者命門帶

氣壅則痛壅塞則聾也精力不銳者

交感精來不快平時無力不足以息血衰面黃而心下崩

且煩面色紫光者腎無苦也色黃黑者腎衰也經日悲哀

而上焦不通榮衛不散熱氣在中故胞絡絕而陽氣內鼓

動發則心下崩數凍血也心下崩謂心胞內崩而下血也

冷極陰痿而肢體厥且痺腎氣冷極則陰痿弱不舉病則

瀉以烏藥枳壳補必從麥蒴蘆巴沈香黃涼以黃柏山施

黃連溫必附子肉桂溫補骨脂沉香抑反疑左右受病同歸

於膀胱小便清利脉沈而遲是冷氣歸腎小便赤澀脉沈

變病同歸冬夏司天兩分於水火所以左屬水右屬火

膀胱下膈也者左尺膀胱停瀦腎



水右尺三焦腐熟穀食俗呼小便曰水大便曰火水火之義較然况六氣司夫左為寒水司冬為寒右為相火司夏

暑蓋其同者有形之質均屬乎水其異者無形之火不同

乎寒司夫既有寒暑之異在久豈無水火之分腎合膀胱右尺之脈純乎火似同而實異者陰陽之所以為妙也宜

靜不宜動者左右之所以相同也凡病莫非火之所為火盛則熱怯虛勞火衰則

陽虛氣弱左右之脈皆然診而貴乎流滑惟相火叔和脉司令則滑而帶絳非其時而數且大者皆謂火動

不立部同斷乎症丹溪圖不盡意妙存乎心丹溪脉圖始補命門胞絡

三焦如霧如瀝如瀆雖有名而無形主氣主食主便雖無

形而有用上焦主堂下丁寸六分直兩乳間陷處中焦膈上中脘下焦臍下膀胱上口上焦主出陽氣溫

形而有用

上焦主堂下丁寸六分直兩乳間陷處中焦膈上中脘下焦臍下膀胱上口上焦主出陽氣溫



於皮膚分肉之間若霧露之漑焉故曰上焦如霧中焦主  
變化水穀之味其精微上注於肺化而為血行於經隧以  
榮五臟週身故曰中焦如漚下焦主通利溲便以時傳下  
出而不納開通秘塞故曰下焦如瀆又曰決瀆之官水道  
出焉上焦主納心肺若無上焦何以宗主榮衛中焦主不  
上不下脾胃若無中焦何以腐熟水穀下焦主出腎間動  
氣應焉肝腎若無下焦何以疎決津液是三焦者引道陰  
陽分別清濁所以主持諸氣有其名而無其形寄生胃中  
以應呼吸而行氣血夫氣者上至頭而不能下而血者下  
至足而不能上皆三焦之用壅遏鞭辟使氣血由是而貫  
通焉故謂無形為無根之相火寒熱異常三焦為內火之  
腑故其發也則

為無根之相火遊行諸位寄膻中與血海男女相共膻中  
經令入惡寒發熱異常焦血海即下焦男女均有此氣血均有此血海又名血室  
乃榮衛停止之所經脈流會之處但男子則運而行之無  
積而不滿女人則傳而止積而不滿而溢下為月經募在石門貞元會合以始終石門



在膈下二寸為二焦之募諸氣之所會聚聚而復分於十二經與手少陽厥陰相為表裏故曰為元氣之始終也

腑在氣沖水穀資胃以傳送氣沖在小腹毛中云中行各

所發足陽明主腐熟水穀之氣三焦發用貫通十二經絡往來上下腐熟水穀營運氣血皆其所主是知氣沖為三

焦行氣之府蓋氣血必胃氣以為本也升中清降下濁造化出納無窮胃中

下降而為漚使清氣上升而為榮衛上極必返於下下極必復於上造化自然之妙循環無窮至於水穀之所入者

自上而中自中而下猶輪轉輸傳養精神柔筋骨襟懷喜

氣若烘粹然清和之氣上入中焦則佐土德翕受五穀變

入於臍中以司入內虛則引氣於肺而中寒痞脹甚則溺

塞耳鳴手少陽支脈從耳入耳中經曰三焦病者腹氣滿

小腹充堅不得小便窘急溢則水流即為脹候耳



鳴者手少陽支脉從耳後入耳中也熱則上結於心而胸中煩滿甚則口渴

咽腫手少陽脉從臚中出缺盆上項系耳後直上出耳上角以風下頰至頤風若縈纏小指

次指肘臂肩臚肋外皆疼手少陽脉起於小指次指之端循手表腕上貫肘臚外上肩而

交足少陽之後入缺盆交臚中散絡心胞而下臚循肋屬三焦故病實則舉痛虛則不收氣為是動時

秘時泄耳後曾前目銳作痛氣症或秘或泄手少陽別脉遠臂注胸中合心主病其支

脉自耳中走耳前交頰至血凝痿痺泣流目銳眦故氣滯則作痛血凝於膚者則為痺凝於脉者

則為泣凝於足者則為痿因卧汗出而風冷敗汗多慄凍

冷敗則自汗不止發為振慄四肢水瀉心脾以去中焦之

熱連栢猪牛相宜瀉心黃連黃栢山梔連翹薄荷生地麥門冬柴胡桔梗木通龍腦瀉脾猪苓牽



牛澤瀉赤茯苓枳壳木補肺胃以濟中焦之寒參芪姜朮

可供人參黃芪乾姜白朮下熱涼肝劑防地皮劑皆輕劑

防風地骨皮銀柴胡菊花石羔下寒溫腎附子補骨脂性重當歸熟地木香地榆阿膠

黃噫觀三焦妙用而後知臟腑異而同同而異分之則為

十二合之則為三焦約而言之三焦亦一焦也焦者元也

一元之氣而已矣五臟穿鑿論曰心與膽相通心火病怔忡

主肝與大腸相通肝病宜疎通大腸大腸病宜平肝經為

主脾與小腸相通脾病宜瀉小腸火小腸病宜潤脾土為

主肺與膀胱相通肺病宜清利膀胱水後用分利清瀉膀胱病宜清肺氣為主兼用吐法腎與三焦相通腎病宜調

和二三焦三焦病宜補腎為主腎與命門相通通津液胃虛宜大補右腎此合一之妙也



觀形察色

散者全愈病已成者半愈病勢已過者危

第一看神氣色潤枯肥瘦起和眠人多火熱或形肥色

黑或形瘦色白臨時參症活潤死枯肥是實瘦為虛弱古

今傳謙體即知腰內苦攢眉頭痛與頭眩手不舉兮肩背

痛步行艱苦脚間疼又手按胃內痛按中臍腹痛相連

但起不眠痰交熱貪眠虛冷使之然面壁身蹠多是冷仰

身舒挺熱相煎身面目黃脾濕熱唇青面黑冷同前

聽聲審音

聲清火聲燥如聲清肺氣調暢聲如從室

中言中濕也言而微終日乃復言套氣也先輕後重高厲有力為外感先重後輕沈困無力為內傷



第二聽聲清與濁鑒他真語及狂言聲濁即知痰壅滯聲  
清寒內是其源言語真誠非實熱狂言號叫熱深堅稱神  
說鬼踰牆屋胃膈停痰症號顛更有病因循日久音聲遽  
失命歸泉

問症

試問頭身痛不痛寒熱無歇外感明掌熱口不知食味內  
傷飲食勞倦形五心煩熱兼有咳人瘦陰虛火動情除此  
三件見雜症如瘡如痢必有名從頭至足須詳問症候參  
差仔細聽



頭痛否

痛無間歇為外感  
痛有間歇為內傷

目紅腫否

或暴紅腫  
或素疼痛

耳鳴耳聾否

或左或右久聾者不敢純用補  
滋之劑須兼開關行氣之藥

鼻有涕否

或無涕而燥或鼻塞或素  
流涕不止或鼻痔或酒齶

口知味否

或不食亦能知味為外感風寒  
或食亦不知味為內傷飲食

口渴否

渴飲冷水者為熱渴飲熱水者  
為虛夏月大渴好飲者為暑

舌有胎否

或白或黃或  
黑或紅而裂

齒痛否

或上脰或下  
脰或有牙宣

項強否

暴強則為風寒  
久強則為痰火

咽痛否

暴痛多痰熱素  
慣痛多下虛

手掌心熱否

手背熱為外感手心熱為內傷  
手背手心俱熱為內傷兼外感

手指稍冷否

冷則為感寒不冷則為  
傷風素清冷則為體虛



手足癱瘓否

左手足臂膊不舉或痛者屬血虛有火  
右手足臂膊不舉或痛者屬氣虛有痰

肩背痛否

暴痛為外感久  
痛為虛損挾鬱

腰脊痛否

暴痛亦為外感久  
痛為腎虛挾滯

尻骨痛否

暴痛為太陽經邪  
久痛為太陽經火

胃膈滿否

已下為結胃未下為邪入少陽經分非  
結胃也素積胃滿者多鬱多痰火下虛

脇痛否

或左或右或兩脇  
俱痛或一點空痛

腹股否

或大腹作脹  
或小腹作脹

腹痛否

或大腹痛或臍中痛或小腹痛  
或痛按之即止或痛按之不止

腹有痞塊否

或臍上有痞塊或臍下有痞塊或臍左有痞  
塊或臍右有痞塊或臍中有塊不可妄用汗

吐下及動氣凝滯之藥

心痛否

暴痛屬寒久  
痛屬火屬虛

宜兼消導行氣之劑

心煩否

或只煩躁不安或欲吐不吐謂  
之嘈雜或多驚恐謂之怔忡



嘔吐否

或濕嘔或乾嘔或食後嘔或食前嘔或食久乃嘔

大便泄否

或溏泄或水泄或晨泄或食後即泄或黃昏時泄一日共泄幾行

太便秘否

秘而作渴作脹者為熱秘而不渴不脹者為虛

小便清利否

清利為邪在表赤澀為邪在裏頻數窘急為下虛挾火久病及老人得之危

小便淋閉否

渴者為熱不渴為虛

陰強否

陰強為有火陰痿為無火

素有疝氣否

有疝氣宜兼疎利肝氣藥不可妄用升提及動氣之劑

素有便血否有痔瘡否

有便血痔瘡不敢過用燥藥藥陰傷臟

有瘡疥否

有瘡疥忌發汗宜兼清熱養血祛風

素有夢遺白濁否

有遺濁則為精虛不敢輕易汗下



有房室否

男子犯房則氣血暴虛雖有外邪戒用猛劑或先補而後攻可也

膝痠軟否

暴酸軟則為脚氣或胃弱久病則為腎虛

脚腫痛否

腫而痛者多風濕不腫脛枯細而痛者為血虛為濕熱下注

脚掌心熱否

熱則下虛火動脚跟痛者亦腎虛有熱脚指及掌心冷者為寒

有寒熱否寒熱有間否

無間為外感有間為內傷午寒夜熱則為陰虛火動

飲食喜冷否

喜冷則為中熱喜熱則為中寒

飲食運化否

能食不能化者為脾寒胃熱

飲食多少否

能飲食者易治全不食者難治惟傷寒不食亦無害

素飲酒及食煎炒否

酒客多痰熱煎炒多犯上焦或流入大腸而為濕熱之症

有汗否

外感有汗則為傷風無汗則為傷寒雜症自汗則為陽虛



有盜汗否

身中出汗外感則為半表裏邪內傷則為陰虛有火

渾身骨節疼痛否

外感則為邪居表分內傷則為氣血不用身重痛者為挾濕氣

夜重否

或晝輕夜重為血病或夜輕晝重為氣病

年紀多少

壯年病多可耐老人病難則元氣難當婦人生產少者氣血猶盛生產多年又多宜補不宜攻

病經幾時

或幾日或幾旬或經年

所處順否

所處順則情性平和而氣血易調所處逆則氣血怫鬱須於所服藥中量加開鬱行氣之劑

曾誤服藥否

誤藥則氣血亂而經絡雜急病隨為調鮮緩病久病停一二日後藥之可也

婦人經調否

或參前為血熱或參後為血虛或當經行時有外感經盡則散不可妄藥以致有犯血海

經閉否

或有潮熱或有咳泄或有失血或有白帶否能飲食否能食則血易調而諸症自除食減漸瘦者危



有癥瘕否

有腹痛潮熱而一  
塊結實者為癥瘕

有孕能動否

腹中有二塊結實能動而無腹痛潮熱等症  
者為有孕腹虛大脹滿按之無二塊結實者

為氣病其經

水亦時滲下

產後有寒熱否有腹痛否有汗否有咳喘否

寒熱多為外  
感腹痛多為

瘀血或食積停滯有汗卑潮為氣  
血太虛咳喘為瘀血入肺難治

凡初症題目未定最宜詳審病者不可諱疾忌醫醫者  
必須委曲請問決無一診而能悉知其病情也初學宜  
另抄問法一紙常出以問病若題目已定或外感或內  
傷或雜病自當遵守古法不可槩施發散劑也







